

讀
春
秋
管
見

凝園讀春秋管見卷之八

慎齋羅典徽五氏定稿

男紹邴孫

善
恕
賢
綸

校字

成公

元年

春王正月公即位

二月辛酉葬我君宣公

無冰

三月作丘甲

管見按此作丘甲者。作之以徵役。非益兵也。何以言之。農自農。兵自兵。古與今當不能。有異。舊謂古者寓兵於農。無事則耕。有事則戰。此說豈可泥乎。凡兵必訓練。久而後得。用所稱伍兩卒旅師軍之衆。大抵招募閒民。無職業者。選而充之。或農家餘夫。不耐作勞。而好言武力。亦復與焉。非盡籍受田之夫。以為兵也。攷周官大司馬之職。中春教振旅。遂以蒐田。中夏教茂舍。遂以苗田。中秋教治兵。遂以獮田。中冬教大閱。遂以狝田。並由羣吏帥民而致。何從見其必皆農民耶。自左傳述臧僖伯之言曰。春蒐夏苗。秋獮冬狩。皆於農隙以講事。則是定指農民言矣。然農民之一歲中。惡得謂之有隙。有隙亦惡得乘之以講事哉。一旦而司馬飭羣吏。羣吏戒農民。使之忍其耕耘歛藏之勞。憊以肄習戎行。其於鼓鐸錫鑄名號旗物之用。與夫止作進止趨走擊刺之方。遂能以熟諳與。設當有事而驅之使戰。是謂

棄之。雖復加多，亦奚以為也？此不待智者而始辨，故知此
成公元年三月之作邱甲，非為益兵，特謀徵役焉。國之
需役，惟用兵為最多。如公羊傳言邱之戰，有楚子重所指
為所役，危養者，其大概已。註謂艾草，管曰：「泝水漿曰役。」
養馬曰庖，炊烹曰養。豈嘗不役之於農哉？然應者多，由能
見其人，皆窮約無家，見敵則奔避，有間則逃亡，不能制也。
而魯於是乎作邱甲。田制九夫為井，四井為邑，四邑為邱。
四邱為甸，四甸為縣，四縣為都。以此計夫起役，井邑數少，
不成聚。甸縣都數多，不易稽，因以邱為之節焉。甲即甲兵
之甲，兵主刺人。甲惟自蔽，故士卒亦被甲，而獨以兵名。徒
役不操兵，而乃以甲名也。邱甲之甲，必官校之役竣，皆歸
之有司，與司兵之受兵輸同。役繫於邱，有主名，并多保任。
而其校邱之役，以甲俾之相從，在軍而無所從，潰亦即與
軍俱還，而有當交卸，尚何處有奔避，逃亡之不可制者乎？
魯當是時，成公幼弱，季孫行父執政，此殆其三思後行之
故。智竊自躊躇滿志而作之也。夫春秋書之，與前文十五

年之初稅畝並存後世秦商君之苛法與宋王荆公之新法已自是權輿矣

夏臧孫許及晉侯盟于赤棘

管見赤棘杜注晉地孫氏復曰臧孫許臧孫辰之子高氏
閔曰許曷為及晉侯盟齊怨成矣晉援不可緩也故汲汲
焉求為此盟趙氏鵬飛曰魯固齊之與也宣之末年怠於
事齊至此成元年為赤棘之盟魯益果於絕齊志於求晉
焉明年齊伐我北鄙而四卿會晉師為鞏之戰其謀益定
於赤棘也按前說皆得盟晉之意因思齊之怨魯自前宣
公十七年公會晉侯衛侯曹伯邾子同盟於斷道齊固稔
知魯之與晉矣十八年冬公薨季孫行父惡仲遂逐東門
氏其子公孫歸父先如晉及還至筮遂奔齊齊怨魯而魯
之歸父復在齊行父亦竊料齊之作難不遠矣乃使臧孫
許如晉及晉侯盟於赤棘欲以耳先君斷道之同盟即得
為新君成公借之庇也臧孫許為魯執政之位阿順行父

懷其先聞。遂東門氏。亦復怒曰。當其時不能治也。後之人何罪。遂曰。然曰。子欲去之。許請去之。此其於季孫行父。靡不曲徇。所為可知。故此及晉侯盟於赤棘。其行必屬臧孫許也。臧孫許何以得盟晉侯。以公方幼弱。而攝之以往。與泄盟為一例耳。其載書必首列晉侯。攝而成公。黑肱次之。臧孫許不與焉。而說者乃謂赤棘之盟。以大夫而盟伯主。輒議臧孫許之強。並譏晉侯之失其御。未免誤看。

秋王師敗績于茅戎

管見戎之難處於成周邊境者。此前若宣公三年。經言楚子伐陸渾之戎。其戎獨以山號。在河以南。不聞犯周。則未始勞王師也。又前若僖公十一年。傳言揚拒泉皋。伊雒之戎。其戎各以地與水號。亦在河以南。嘗同伐京師。入王城。焚東門。由王子帶召之。既非戎之造意犯周。且未嘗戰而致王師之敗績也。其有在河以北者。一為姜戎。如僖公三

十三年。晉人及姜戎敗秦師於殽。是已。杜注。姜戎。姜姓之戎。居晉南鄙。戎子駒支之先也。是猶附晉以敗秦師。其不至犯周。以勞王師。亦概見矣。及茲成公元年。其河以北有茅戎者。杜注。戎別種。水經注。大陽縣有茅亭。故茅戎邑。括地志。茅戎在河北縣西二十里。當在今山西平陽府平陸縣界。平陸亦為晉南鄙。姜戎以姓號。則茅戎亦其姓耳。茅戎之與姜戎。殆本一類。而以姓區分者。與。此在諸戎中。當亦么麼無足數矣。適不靖而犯周王。以師討之。不克捷。遂至敗績於茅戎焉。夫王曰天王。則王師為天討也。軍旅鉞鉞之威。薄言震之。莫不震疊惡。可以敗績言哉。自春秋桓公五年。蔡人衛人陳人從王伐鄭。傳言鄭伯禦之。戰于繻葛。蔡衛陳皆奔。鄭師萃於王卒。王卒大敗。祝聃射王中肩。此周室東遷以後之一大變也。故終桓公之十八年。其間凡十四年之春。王正月。皆不書王度。其重慨天下諸侯之無王者。特以五年為主。以五年之伐鄭為極。閱百餘年而王師復敗績於茅戎。春秋書之。則周室之衰。衰微久而

蓋其世變
復何極哉

冬十月

二年

春齊侯伐我北鄙

管見前宣公十七年夏六月公會晉侯衛侯曹伯邾子同盟於緡道魯已去齊而即晉矣十八年宣公薨成公立其元年夏臧孫許及晉侯盟於赤棘所以晉緡道之盟也而其與晉者為已固齊侯憤之詎不思有以伐魯哉又其間公孫歸父奔齊深怨季孫行父之逐東門氏頓令其父仲遂之世卿削籍無後復何能不私結齊卿以煽動齊侯即將伐之興師以伐魯耶據左氏傳云二年春齊侯伐我北鄙國龍齊頃公之嬖人盧蒲就魁門焉龍人囚之齊侯曰

勿殺。吾與而盟。無入而封。弗聽。殺而勝。諸城上。齊侯親鼓。士陵城。三日。取龍。遂南。侵及巢邱。按杜注。龍。魯邑。在泰山博縣西南。齊侯圍之。有人門焉。取之。有士陵城焉。則是魯之北鄙當齊衝者。總戒以堅守拒之。勿出而與齊戰。故齊侯雖親鼓。得取龍一邑。其南侵亦及巢邱而還。此季孫行父之謀也。其時必急請師於盟。赤棘之晉侯。並及於與晉同盟。斷道之衛曹也。蓋早辦一鞏之戰。而期齊師之敗績矣。

夏四月丙戌衛孫良夫帥師及齊師戰于新築衛師敗績

管見新築杜注。衛地。史記趙成侯及魏惠王遇於新築。或云即新築也。今直隸大名府魏縣南二十里有新築城。劉氏故曰戰而言及之者。主之者也。猶曰孫良夫為志乎。此戰也。云爾。按前宣公十八年春。晉侯衛世子臧伐齊。此

從齊侯主兵而與齊請於晉者乃衛侯也。衛雖以世子戚
從。伐齊而其實治衛之軍事者乃孫良夫也。左傳記此代
齊之役。齊侯畏晉不敢戰而請盟。既盟於繒。以公子強為
質於晉。晉師還。此在齊侯自度不能遽圖報怨於晉。豈亦
不先謀釋憾於從晉之衛乎。以故此成公二年春齊侯
既伐我北鄙。其夏四月而齊師亦遂至於衛之新築。與計
此年衛侯速以八月卒。則於夏四月或當有疾。其世子臧
未為君。權所不屬於軍事。不能以置議也。則主之者惟孫
良夫而已。然良夫之粗厲獨能逞於一往。又不如三思後
行之季孫行父。猶小有謀畧也。是以齊侯伐我北鄙。魯獨
堅於守。而齊師之至新築。衛則急於戰焉。衛何以急於戰。
以孫良夫之帥師。但於前之從晉伐齊。齊不敢戰而請盟。
示之以弱。則亦不顧齊為大敵。輒思一戰以快幸於克捷。
也。庸詎知齊晉為匹。齊猶畏晉。而以盟解衛。乃不畏齊而
思以戰倚乎。此其敗績宜矣。春秋書夏四月丙戌。衛孫良
夫帥師及齊師戰於新築。衛師敗績。專罪孫良夫也。凡卿

將。心。者。名。而。稱。帥。師。齊。師。不。稱。帥。者。齊。侯。之。自。將。也。與。前
之。伐。我。北。鄙。稱。齊。侯。後。之。戰。於。鞏。亦。稱。齊。侯。者。為。一。例。三
下。書。衛。師。敗。績。承。上。衛。孫。良。夫。帥。師。說。雖。同。以。師。稱。而。其
是。卿。將。而。非。君。將。亦。自。有。別。若。夫。敗。績。之。狀。傳。言。孫。良。夫
幾。不。免。得。新。築。人。仲。叔。于。奚。救。之。乃。免。不。然。春。秋。又。當。書
曰。衛。師。敗。績。獲。衛。孫。良。夫。前。宣。公。二。年。傳。大。棘。之。戰。鄭。獲
宋。華。元。宋。以。兵。車。百。乘。文。馬。百。駟。贖。之。於。鄭。然。則。齊。苟。獲
孫。良。夫。衛。能。不。踵。此。而。行。之。耶。幸。而。得。免。此。孫。良。夫。之。以
新。築。人。為。德。賞。之。以。邑。辭。請。曲。縣。樊。緹。以。朝。
許。之。絕。不。能。計。國。之。名。器。不。可。以。假。人。也。

六月癸酉季孫行父臧孫許叔孫僑如公
孫嬰齊帥師會晉郤克衛孫良夫曹公子
首及齊侯戰于鞏齊師敗績

管見按此年會師伐齊於魯。卿特書四人。與晉衛曹不一例。何也。將成公以幼弱即位。季孫行父執政。威以三思。後行間於國。伐齊之役。獨主於連。齊雖懼而已。其投甲執兵以從我陳。則假臧孫許。叔孫僞如公孫嬰齊。供其指。行。父固能謀不能戰也。乃悉舉四卿以若其將佐之相資耳。魯卿惟仲孫蔑不與。死以之居守其國云。此年春齊侯伐我北鄙。行父戒魯師毋出。而使告急於晉。以及衛曹實圍厚集其勢。得以一戰而致齊師之敗績也。前之稅畝以儲財。作邱甲以起役。既為伐齊謀先備矣。旋又使臧孫許盟于侯於赤棘。以尋斷道之盟。別欲使請師伐齊。而晉必許之也。其請師主晉卻克。卻克嘗憤於齊之婦人一笑。誓曰。所不此報。無能涉河。後使衛侯請晉師伐齊。衛世子臧從以師。齊不敢戰。而以盟解。齊仍未至。大有挫辱也。乃齊報怨於衛。而衛師敗績。卻克不尤以衛之被禍而於齊有深怨哉。衛孫良夫以敗績而不入國。遂如晉乞師。與魯使臧孫許並主。卻克晉侯不忘赤棘之盟。與前斷道之盟。則

必許以出師而卻克又從而速之故衛師以夏四月敗績而晉師即以夏至齊也前之伐齊晉侯自將此伐齊而使卻克帥師者晉侯度會魯衛之師並及曹師凡四國莫先之以衛世子臧伐齊其衆為倍齊當仍不敢戰而以盟解也齊未可滅則惟使卻克盟齊誓無作難於晉所同盟之魯衛曹而已曹較魯衛為弱而與晉已久盟斷道之前已有清邱之盟又前有新城之盟是曹之先君文公壽也立六年而齊師侵我西鄙遂伐曹入其郭至沒身未有以報曹伯廬立及是又五年此二君之事晉皆甚謹無役不從值茲晉合魯衛以伐齊曹使公子首會之詎能不忿前此伐曹入郭之怨乎當六月癸酉師陳于鞌魯之季孫行父臧孫許叔孫僂如公孫嬰齊特相與一心并力以濟疆事晉之卻克則以憤怒交積而期泄之於一旦也衛之孫良夫迫求轉敗為功以贖其罪之當死曹之公子首亦惡乘機復怨即得執俘以告先君於廟也從可知其心所汲汲欲之者並欲得及齊侯而與之戰焉爾而是日也齊

侯乃自將以來亦志乎戰則何所恃哉蓋糾於春之伐魯
魯守而不戰其卿若季孫行父臧孫許叔孫僑如公孫嬰
齊既皆束手無策及夏之四月伐衛衛戰而敗績其卿
良夫幾於被殺或救之而幸得免以此料晉卿卻克豈復
有死才別技也哉至若曹公子首在其國亦稱卿又可見
之若無有矣於是先癸酉之未戰齊侯則號之曰詰朝相
見及癸酉之將戰齊侯則又斥之曰余姑剪滅此而後朝
食此其夸侈自雄不知彼已毋亦謂國君自將則威尊權
一士皆用命必不若四國之卿將者無所統屬而號令多
岐固不能得士之無犯命乎而亦不然試思自春始而及
夏終纔盡兩時起大衆者凡三令大戰者至再齊侯方踊
躍未已齊師早困憊既極欲不敗績也得乎故春秋書六
月癸酉季孫行父臧孫許叔孫僑如公孫嬰齊帥師會晉
卻克衛孫良夫曹公子首及齊侯戰于韋齊師敗績韋杜
注齊地穀梁曰韋去齊五百里杜氏通典云韋在平陰縣
東今平陰去臨淄五百里似與穀梁合矣然以左傳考之

自始合以至齊敗止為一日之事。華不注在濟南城北去平陰二百三十里。何以一奔而遽至乎。近志云案即古之厯下似為得之。

秋七月齊侯使國佐如師己酉及國佐盟

于袁婁

管見袁婁張氏洽曰臨淄縣西有袁婁或曰在淄川境按三傳之記此盟公穀皆謂仲克曰與我紀侯之甌此殆設辭之近誣者觀左氏稱齊侯使賓媚人賂晉以紀甌玉磬與地賓媚人即國佐然則國佐如師所執以請盟者其器固甌有紀甌豈必為卻克之所求索哉晉之伐齊其名以報其春之伐魯及夏四月之伐衛也齊賂晉以地而晉之於魯衛即令齊各反其侵地亦固其宜而左氏獨據魯以八月取汶陽田言之不及衛是又不如公穀之兼言衛者為

得矣。蓋經文每不說盡。以魯例衛。則齊之反其侵也。而衛亦有所取之田。可概見也。至卻克之強橫無識。不忍私情。漫稱必以蕭同叔子為質。使齊之封內。盡東其敵。此等口亦實與其人。畢肖。及國佐不諾而折之。卻克無以爲辭。時必由魯衛作和事老人。從容謂卻克曰。齊侯前以婦人笑客。為非禮。禍本自求。及今而使命卿請盟。為近禮。好可使繼也。於是卻克從之。而許以盟。但其盟為秋七月己酉。距前齊師敗績之夏六月癸酉。已經三十。六日。伐齊之師。豈敢定居耶。左氏謂自鞏以逐齊侯。三周華不注。繼又入自邱。與擊馬陘。穀梁並謂鞏之一戰。綿地五百里。焚雍門之茨。侵車東至海。雍門齊都西門也。則伐齊之師已乘勝而陷其城下矣。前宣公十五年。楚子圍宋。不祥。宋人易子而食。析骸而爨。將及楚平。猶曰。城下之盟。有以國斃。不能從也。去我三十里。惟命是聽。蓋國君皆以城下之盟為深恥。齊獨何以堪此乎。袁婁去齊都五十里。國佐必期受盟於袁婁。以殺恥也。遂先至其地。為壇。具牲禮。以待。於是晉

師與魯衛曹之師並還自齊郕之雞門而及之故曰葵酉
及國佐盟於袁婁或者盡泥傳文以為國佐如師左氏謂
其請盟不許即將收合餘燼背城借一公穀同謂一戰不
克請再再不克請三且及於四五夫非仍以強脅郕克乎
何以得盟而公羊又謂國佐揖而去之郕克昧魯衛之使
使以其辭而為之請則郕克先已氣餒左氏復於魯衛為
之諫辭曰齊疾我矣其死亡者皆親暱也子若不許擊我
必甚唯子則又何求子得其國寶我亦得地而紓於難其
榮多矣齊晉亦惟天所授豈必晉噫是何言與以若所示
則魯衛尤為喪氣矣凡皆誤看經文及字竊擬此葵酉之
盟於袁婁國佐已去特因而追及之乃得盟耳夫豈知為
退舍袁婁還及國佐以盟初非事於進軍袁婁追及國佐
以盟也哉

八月壬午宋公鮑卒

庚寅衛侯速卒

取汶陽田

晉見石氏介曰。外歸魯地。皆曰歸。如濟西及鄆。雖龜陰之類。汶陽田。魯地也。齊人以歸於我。當曰歸。今而曰取者。蓋因晉力而取之也。歸者其意也。取者我也。非其志也。於後齊復事晉。故八年使韓穿來言歸之於齊。然此年齊歸我田。書曰取。齊取我田。乃曰歸者。取之自晉。歸之自晉。以見魯國之命制於晉而已。故雖我田也。而不得偃然有之。其猶寄爾。故齊歸我田。書曰取。猶若取之於外者。齊取我田。書曰歸。猶若齊之所有也。按此辨詳盡。

冬楚師鄭師侵衛

晉見楚師鄭師不稱帥。則侵衛之舉皆楚子。密及鄭伯。堅之自行也。前楚子旅在位二十三年。其於北方諸侯既得。

便宋與陳蔡許並與楚兵即當有事於衛會楚子旅卒故楚師未及衛耳及楚子密立二年即茲魯成公立之二年也其夏四月齊伐衛衛師與戰敗績於新築旋乞師於晉以報齊晉於六月會衛師並魯曹之師與齊戰於韋雖幸齊之敗績而衛之困蹙已甚矣未幾而秋八月衛侯速卒國又新有喪於是楚子獨與鄭伯謀即以楚師為上而鄭師從之遂侵衛衛大警懼不敢禦惟遣使聽命而已其使必私於鄭以覘楚志鄭伯先與楚謀必謂楚子欲卒成莊王之霸業將大會天下諸侯於蜀重以盟蜀為魯地已令公子嬰齊如魯矣衛惟謹俟楚之徵會即與宋公陳侯蔡侯許男同時俱至焉爾以故雖云侵衛而衛幸不害

十有一月公會楚公子嬰齊于蜀

管見楚公子嬰齊何為至於蜀而公得會之哉宋假別地於魯耳觀後書丙申公及楚人秦人宋人陳人衛人鄭人

齊人曹人邾人薛人鄆人盟于蜀此其證已其盟必于蜀者欲以介魯之從楚故然蜀杜注魯地泰山博縣西北有蜀亭在今山東濟南府泰安州西楚子將就魯地以盟諸侯公為地主惡能以不與乎此殆楚子謀於鄭伯而使魯雖不欲亦無辭以謝者惟計楚公子嬰齊之來必以旅從既料不免滋擾且恐陰為畧地可容以近邊鄙不可聽其竟入邾城是足知此年冬十有一月公會楚公子嬰齊于蜀其迹似趨逐之其實乃思却遠之也

丙申公及楚人秦人宋人陳人衛人鄭人齊人曹人邾人薛人鄆人盟于蜀

管見按此稱人者凡十有一公及之而盟其人皆國君也故程子曰楚為強盛陵轢諸侯諸侯苟能保固疆圉要結鄰好豈有不能自存之理乃懼而服從與之盟約故皆稱人以見其衰弱賁諸侯則魯可知矣按此年冬十有一月

楚子使公子嬰齊假盟所於魯之蜀公會之而後楚子審
與諸侯至以丙申盟于蜀公即因會公子嬰齊而及於盟
不出月故稱及焉秦為秦桓公榮秦伯稻之子秦康公瑩
之孫也初魯文公十六年楚莊王旅與秦康公共滅庸分
其地遂通好更二君及秦伯榮閱二十三年未有間值楚
子審繼莊王立欲成其父圖霸未竟之志大會北方之諸
侯於蜀使得以齊桓之盟葵邱晉文之盟踐土先後相繼
以是而招秦伯襄此盛舉秦伯榮有必來者至宋陳先已
從楚宋共公固雖以文公鮑卒猶在喪而其從事於蜀之
盟亦當不得後於陳也衛侯臧亦在喪而其時偪於楚之
侵衛非服楚何以能免服而遂趨於蜀以盟則與宋公固
一而已矣若夫鄭之事楚既從侵衛即從盟蜀楚子實倚
為謀主故次諸侯之班特先鄭後齊以寵異之蓋楚子之
為是盟唯齊不易致耳鄭伯使楚子盟於魯地之蜀以齊
魯亦以齊齊也何則蜀雖魯地而在今泰安之博縣西北
寰宇記云本齊之博邑春秋謂公會于代齊即此也延

陵季子。子。齊子死。莖。麻。博。之。間。以此推之。蜀亦須於齊矣。
齊頃公。以此年夏六月。敗績于鞏。氣勢沮喪。而楚子亦揚
威武。大合北方諸侯。以轉而東向。盟於瀕。齊之蜀。而國以
徵。會於齊。齊侯無野。又何辭以謝焉。他若曹之小弱。凡與
會盟。皆殿其後。獨得先於邾。薛。邾而已。此楚子之盟于蜀
於曹。或猶遣使為期。邾。薛。邾。則皆聞風而畢集焉。爾不寧
惟是。蔡侯許男。舊皆先於曹。伯而此盟並不得與。邾。薛。邾
為伍。則何以故。左氏於此年傳云。蔡許二君弱。楚子皆彊
冠之。使從侵衛之役。充我車之左右。是則不復目為諸侯。
直以蔡許為縣。而便蔡侯許男。與其國之縣公等矣。故載
書。不令叙列。而春秋仍之。欲以著楚子審之強橫。
汰侈其甚。乃至此。非魯史文具而經特加削也。

三年

春王正月公會晉侯宋公衛侯曹伯伐鄭

管見按此年春正月之伐鄭左傳云討鄭之役也此意當為主初宣公十二年夏晉之戰於鄭本為楚子圍鄭而救之及晉師敗績鄭反背晉而從楚由是十三年夏楚子遂伐宋十四年秋九月復國宋圍之凡閱三時至十五年之夏五月乃與宋平宋危極而楚亦已憊矣此後楚師不出者四年楚子旅亦卒豈不幸中國之難得稍紓乎是年公子以十月卒立成公楚之嗣君為共王審及二年冬楚因宋鄭以南前既服乃更北侵衛是役楚臣謂當用衆悉師王卒盡行豈惟一侵衛已哉即將憑此兵力以脅天下諸侯使自晉以外皆於十一月丙申受盟于蜀云爾於時衛有文公鮑之喪楚不顧而侵之鄭復何怨於衛而必以師從楚哉侵衛而衛服旋移師東指以為蜀之盟公與公子嬰齊先待之蜀在齊晉之交盟於魯而齊亦至畏偪也及為之定其班楚復何德於鄭而以鄭先齊哉是知鄭之陰為楚謀以助其僭王猶夏之吳無可疑者故於此年之春正月晉侯主兵伐鄭春秋以為義討而正舉其辭其或不

忘情於郟之敗。績以求釋憾。雖私而亦公也。至於公及宋公衛侯曹伯皆從楚子與黨楚之郟伯受其盟于蜀者。自冬十一月而踰年為正月。乃能遂舍楚子之要盟而屏從晉師之義討。其心豈能不畏楚哉。畏楚者其私而卒以貪伐郟者。要不以私而害公也。春秋乃皆美之而正舉其與晉侯同其伐之如何。五國合師必因鄭之堅閉不出以示懾伏。乃舍之而還。若左傳指稱鄭公子似。帥師禦之。使東鄙覆諸郟。敗諸邱輿。皇成如楚獻捷。度非事勢所有。

辛亥葬衛穆公

管見去年秋八月庚寅。衛侯速卒。左傳言晉三子自役弔焉。哭於大門之外。衛人逆之。婦人哭於門內。送亦如之。遂常以葬。注云。三子者。卻克及士燮樂書。師還過衛。故因而弔之。未復命。不敢成禮。逆者。送於門外。設喪位焉。喪位。婦人哭於堂。賓在門外。故移於門內。常以葬。言至葬皆行此禮。以喪禮有進無退。故按晉卻克等帥師有功。凱旋在道。

當不得哭弔衛侯之喪。或情有難已。而衛子臧亦重微其辱臨。權設喪位於大門之外。以待非還殯也。事畢則可徹。何緣比至於塋。竟以權時所設為常制。而使穆公之喪位不復在堂也。哉。疑多未釋。姑志之以俟。姻於禮者質焉。再按此年春正月辛亥。塋衛穆公。距卒時凡六月。似失之緩。然自衛侯速卒。楚不恤其喪而侵之。旋脅衛子臧以盟於蜀。有不欲背殯。越疆而不得者。及還歲幾終。而晉又以初春伐鄭。必將不避金革之事。而釋衰經以從之。是其在喪次者。曾無幾日。又何得苛其六月乃塋之不如諸侯禮耶。

二月公至自伐鄭

管見此年春正月公會晉侯宋公衛侯曹伯伐鄭。宋公衛侯皆有父喪未及塋。二月公乃至自伐鄭。彼衛侯之以正月從伐鄭者。何以即於正月辛亥得塋其父穆公耶。蓋衛侯之卜塋穆公得正月辛亥從。故既以師會晉。旋以塋穆

公之情請於晉侯晉侯許之乃使從卿如孫良夫之役將其師以聽命而衛侯因是先歸不與公之以二月書至者同也若宋公之卜葬文公其日在二月乙亥正月方事伐鄭宋公不可逃以歸請即可知此於二月書公至自伐鄭其後乃書乙亥葬宋文公以視前正月辛亥之葬衛穆公者又於諸侯五月而葬之禮多遲一月所由來殆不外此

甲子新宮災三日哭

管見公羊曰新宮者何宣公之宮也按諸侯五廟其四親廟曰考廟曰王考廟曰皇考廟曰顯考廟見禮記祭法凡主之入廟必自考廟始故以今之入考廟者為新而以前之入王考皇考顯考廟者為先古也魯於周公稱太廟魯公稱世室羣公稱宮則當宣公之薨年以卒哭而祔遂入主於考廟者其稱為新廟已三年於茲矣或謂三年之喪二十七月而終宣公之主雖嘗於卒哭之明日祔入於廟仍當奉其主以還設於寢祀之喪畢而後入廟乃遂以其

主之復入者為新入。號曰新宮。是殆不然。祭法庶士庶人無廟。王制庶人祭於寢。此而有喪及虞作主。既卒哭成事。其主無廟可祔。是當置於寢耳。若諸侯既祔而仍歸於寢。以待喪畢。則是魯之太廟。凡三年之時。祫大祫宣公之主。在寢。使之自太廟周公而下。皆莫由入而接其紹庭陟降之靈。有是禮乎。此以知宣公之廟稱新宮。惟以卒哭而祔之後。必無復奉其主以歸於寢者。而論始確。又公羊曰。言三日哭者何。廟災。三日哭。禮也。檀弓亦云。有焚其先人之室。則三日哭。先人之室。指宗廟言。檀弓魯人以知禮聞。故即據魯之新宮火。亦三日哭。以證之。按前宣公十六年夏。成周宣樹火。樹為臺上架屋之名。其繫之於宣稱宣榭。則謂昔者宣王積二百餘年。乃一旦而如宣之盛。周苟不棄。

祖東都以閔武。此其遺迹也。歷十一世。為成周之鎮。則宣榭當與宣廟俱永矣。春秋審之。李氏堯俞曰。王業日壞。求其得而王之迹。又煨燼蓋痛之也。然則成。三日哭。耶。而卒未有聞。及茲成公三年。

之二月甲子魯之新宮災。此宣公之宮也。於時猶以焚人
人之室。當三日哭。差得如禮。夫周有宣王。魯亦有宣公。邈
前之譏。譏偶同。而以今論其位號。熟讀國霄壤相懸絕也。
乃成周之宣榭火。火之而已。曾不克如魯之新宮。亦以火
災。而得聞其三日哭焉。災有補乎。災無補。雖三日亦何為
乎。而春秋書之。因猶覺其頗有此者。非謂魯之果能秉周
禮也。亦借以傷成周之棄禮。有如弁髦而敝之焉。爾再按
災字从火。故春秋於水旱蝥螟皆分別書之。其書災者。並
指火言。就經解經。二百四十二年之間。書宮室災六。新宮
其一也。書齊大災一。宋災二。陳災一。宋衛陳鄭災一。而惟
成周宣榭災。則書火。是正以一火字為諸災字作注脚云。

亥葬宋文公

管見宋文公與衛穆公。並以今成公二年八月卒。惟宋於
宣公之十五年。楚子圍宋。及楚平至。楚子審而未有隙。故

衛侯速卒不能免於楚師之侵。衛宋公鮑卒猶得免於楚師之侵。宋也。然當成公二年之冬十一月。既值楚子之徵會于諸侯以盟。及茲成公三年之春正月。又值晉侯之徵師于諸侯以伐鄭。宋子固及衛子臧雖皆在喪。亦不得不背殯。越疆以從事。於是衛穆公經六月而始葬。宋文公更經七月而始葬也。春秋於其卒葬之間。詳列強大之令。頻仍直使。宋衛二國之孤。不獲親苦塊。以謀送死之大事。實不勝感慨係之有如此者。至左傳特以宋之葬文公。比諸衛之葬穆公為更遲。乃謂宋公鮑卒始厚葬。用蜃炭。益車馬。始用殉。重器備。柳有四阿。棺有翰檜。杜注云。皆王禮也。因是胡傳及高氏閏之說。並稱七月而葬。天子之禮也。以宋公之葬月考之。知其僭禮為信。殆未必然。

夏公如晉

管見左傳曰。夏公如晉。拜汶陽之田。汪氏克寬曰。僖公取濟西田。而使公子遂如晉。拜賜已非正矣。況以成公取

陽田而躬朝於晉乎。濟西汶陽魯之故田也。以為伯國之私意而聘之朝之見魯之不振。按此一叙一斷。足盡經旨。

鄭公子去疾帥師伐許

管見去年冬公及楚人蔡人宋人陳人衛人鄭人齊人曹人邾人薛人鄆人盟於蜀。楚子主盟其與盟之十一國皆君也。楚大得志而實由鄭伯為之謀主。故楚以鄭列齊上而寵異之。鄭亦必假楚之勢而自多矣。且盟蜀之先楚師侵衛鄭師從之。楚以蔡侯及許男二君皆弱強寇之使充戎車之左右及盟蜀而使不得列於諸侯其載書無名彼鄭之於蔡許不既視之蔑如已哉。惟許尤逼近於鄭於是鄭有并許之意焉。觀此年夏書鄭公子去疾帥師伐許其初舉也使卿將至冬十有一月又書鄭伐許則再舉也亦仍使卿將明年為成公四年三月鄭伯堅卒子費立其冬復特書鄭伯伐許是合前為三舉也則不使卿將而自將矣。夫非志於并許而何。幸成之六年六月鄭伯費亦卒而

許之難。得以稍紓。不然。春秋書許遷於葉。猶能待至成公。十有五年之冬。平天抵鄭之謀。國人伐之。而自度不敵。非使請平。則堅閉不出。故此年春正月。公會晉侯宋公衛侯曹伯伐鄭。亦以不得戰而還耳。至於鄭之謀伐人國。其欲得井之者。則惟許。昔隱公十一年秋。書公及齊侯鄭伯入許。其鄭伯為莊公寤生。既入許。許莊公奔衛。公及齊侯乃以許與鄭。鄭裂其國都為二。使公孫獲處許西偏。其東偏以處許叔。許叔特如寄而已。其實鄭之有許。自隱及桓已迷。十有六年。於時因鄭莊公卒。其子忽哭爭國。國亂而後許叔入於許。許得復國。此在鄭之後。君聞之。庸得不偉為威蹟與。從可知此鄭伯之堅與費相繼。二年中。凡三伐許。並至死而後已。其心直以許為鄭先世之故地。必將伐而取之。云爾。他復何所顧忌哉。

公至自晉

終。獨為拜汶陽田而僕僕耳。夫豈知晉人之有力而無信。能令汶陽之田魯得取之於齊者。亦即能令汶陽之田魯必歸之於齊也哉。

秋叔孫僑如帥師圍棘

管見棘杜注汶陽田之邑在濟北蛇邱縣劉昭曰蛇邱縣有棘鄉季氏私考曰今當為肥鄉縣地凡皆定指棘為汶陽之邑也然魯以去年秋取汶陽田則既取之矣今年夏公復以拜田如晉至自晉亦未聞汶陽之邑氏不服而有待於帥師以圍之者茲就經文下查大雪推之當秋而雪在月令仲夏大雪之常制以外是固旱久不雨而更禱雨也禱雨能必應乎不應而殺不登民苦饑亦多洶洶於時適有魯之棘邑非即汶陽而實近於汶陽其民輒糾衆強劫邑吏不能禁使棘役捕之亦莫之敢撓聽其長亂先慮毗連之汶陽聞風騷騷而其新取之田遂不獲保此殆未

孫僑如之所由必帥師以國棘者與春秋書之著魯之罔民也蓋魯自宣公初稅畝以儲財成公復作邱甲以徵役皆務足國而不及於民至是秋而旱飢惟以一大雪奉行故事因致棘之民變計無所出而帥師罔之是即同於田有禽利執言以獲多為傳焉罔欲不謂之罔民得乎

大雪

管見魯之大雪舉於常制之仲夏者春秋例不書其或自秋及冬而大雪則書之起隱公至此如桓公之五年書秋大雪其下即聯書曰飡此為禱蟲災耳蓋大雪享帝必配以田祖本主於禱雨故小雅甫田曰琴瑟擊鼓以御田祖以祈甘雨而亦可借以禱蟲災故大田又云去其螟蜮及其蟊賊無害我田穰田祖有神東昇炎火但以大雪禱蟲災惟此一見而已以下僖公之十一年書秋八月大雪其十三年又書秋九月大雪與此成公三年書秋大雪皆專

為旱久不雨而禱雨也。
書大雩則其為旱可知。

晉卻克衛孫良夫伐厲咎如

管見厲咎如杜注赤狄別種左傳云晉卻克衛孫良夫伐厲咎如討赤狄之餘也厲咎如潰按前魯宣公之十五年六月癸卯晉師滅赤狄潞氏以潞子嬰兒歸十六年春正月晉人滅赤狄甲氏及留吁其黨之竄入厲咎如者蓋多有之惟晉以潞子嬰兒歸未聞加誅則羈拘于晉而已經六年而及茲魯成公之三年潞子嬰兒或因守者日習其防緘遂逸出而走匿于厲咎如厲咎如容之凡潞氏甲氏及留吁所未殄之遺類前托于厲咎如者悉依附焉故晉之卻克以衛孫良夫會師伐厲咎如徒以其容潞子嬰兒故爾潞子舊在今山西潞安府境則以北遼州一帶當即是厲咎如之所屯聚也其地介晉與衛之間衛事晉甚謹無不從及至伐厲咎如尤當借為東西遙應之聲援矣

且御克孫良夫以革之戰得同事猶使齊師敗績於厲咎如何有然彼為赤狄別種其俗無城郭宮室所居常徙及聞晉御克衛孫良夫帥師將至而厲咎如之衆自潰其長莫得知名旋亦與潞子嬰兒俱潰莫知所之遂使其地為墟雖擁精銳而無所用武故春秋書晉御克衛孫良夫伐厲咎如護其所謂伐者名則有之其實安所得厲咎如而伐之哉

冬十有一月晉侯使荀庚來聘

衛侯使孫良夫來聘丙午及荀庚盟丁未及孫良夫盟

晉見荀庚荀林父之後也荀林父將中軍其後為中行氏故荀庚亦以中行伯稱為晉下卿此年冬十有一月晉侯

使荀庚來聘。報夏之公如晉也。凡諸侯之朝方伯、方伯不
還朝諸侯而以其聘報之。其小國皆朝大國。大國惟聘小國
亦同。今晉為大國而魯非小國。公之如晉用朝禮而晉侯
猶使荀庚來聘以報之。是晉以方伯自處而以諸侯視公
矣。其習於侈為可譏。若衛侯之使孫良夫來聘與晉使荀
庚同。以冬十有一月至。其來聘者殷聘耳。周官大行人凡
諸侯之邦交歲相問。殷相聘。注疏謂小聘曰問。不享是也。
小聘使大夫。大聘使卿。又王制云。諸侯之於天子比年一
小聘。三年一大聘。注疏亦通謂小聘使大夫。大聘使卿。而
要必有等差也。其所稱大聘使卿者。當是天子之。大聘使
上卿。諸侯之。大聘使下卿。與。今孫良夫為衛上卿而衛侯
使來聘。魯是適以聘于天子之使而用之。諸侯矣。其近於
媼亦。可譏。至於公之所以接聘使者。其於晉荀庚衛孫良
夫以次受其聘于廟。有常禮。可無論也。獨其卒聘而有言
各束帛加書致命。則又以盟請矣。其盟為尋盟。見左傳。按
前宣公十七年公會晉侯衛侯曹伯邾子同盟于斷道。則

此所尋之盟。即以尋。斬道之盟耳。凡尋盟者。不更刑牲歟。血。惟出前盟所藏。載書之戒。如其辭以作策。其先嘗列名。而今未得與者。則不登。以是使司盟北面而詔明神。如禮則畢事。成公元年夏。魯卿嘗尋盟于晉。矣。書曰。臧孫許及晉侯盟于赤棘。其稱及上及也。至此成公三年冬十有一月。晉衛並使卿來聘。且尋盟。書曰。丙午及荀庚盟。丁未及孫良夫盟。其稱及者。下及也。自內卿而及外君。為上及。自內君而及外卿。為下及。文不異而辨白明。故通用及字。無他意。惟是計前之同盟于斬道者。曹伯既殿于公與晉侯衛侯。其邾子則尤小矣。初何嘗不得同盟。其同盟又。何嘗不待同日哉。乃今以丙午盟荀庚。丁未盟孫良夫。是轉于尋盟而失同盟之意矣。至左傳雖言其故。謂公以荀庚之於晉。其位在三。孫良夫之于衛。位在上卿。莫知其誰先。乃問臧孫許。許報以為衛之在晉。不得為次國。小國之上卿。幾當大國之下卿。晉為盟主。當先之。此曲說也。公從之。於是先日盟晉荀庚之下卿。後日乃盟衛孫良夫之上卿。其

卿之不己。非乎。且今日盟晉下卿之荀庚。明日又盟衛上卿之孫良夫。其告解。不己。潰乎。待等垂。則公不可以對。聘使告解。潰則公並不可以對。盟神。故春秋但書及荀庚。盟及孫良夫。盟而皆不書公。及其意。特以諱公者。譏公已爾。

鄭伐許

晉見但書鄭伐許者。著其仇。是公子去疾帥師焉耳。當與前夏之伐許合看。鄭伯堅一歲而再伐許。其并許之志。為謀甚長。夫孰料其死期。將至。我觀明年書三月壬申。鄭伯堅卒。亦可嘆已。

四年

春宋公使華元來聘

管見左傳宋華元來聘。通嗣君也。前文之元年傳云。凡君即位。卿出並聘。踐修舊好。要結外援。好事鄰國。以衛社稷。

此其通嗣君之謂與。但以通嗣君而未聘。不必上卿。宋之有華元。猶魯之有季孫行父。皆以上卿執政。而宋公獨使華元聘魯者。蓋華元自請于宋公。而宋公使之耳。於時宋公方幼弱。未及介時。華元預謀結昏于魯。以借其援。乃因來聘。而與其執政之三思後行者潛商之。亦事所必有。王氏孫曰。華元之來。其為宋公謀昏之張本乎。此說當不得以納幣在五年後。疑其太早也。

三月壬申鄭伯堅卒

管見去年夏。鄭公子去疾帥師伐許。冬。鄭再伐許。仍以公子去疾帥師。而不自將者。是時鄭伯堅蓋已有疾矣。及師還。又終憤于不克自將。而伐許無功。遂以此年三月壬申卒。

祀伯來朝

〔管見〕左傳杞伯來朝歸叔姬故也杜氏預曰將出叔姬先修朝禮言其故趙氏鵬飛曰叔姬不令于杞杞伯將出之彼直歸叔姬則疑魯用叔姬之譏以疾于杞故先朝於魯而言其故焉明年叔姬來歸按傳文據經杜氏趙氏二說亦足發明傳意

夏四月甲寅臧孫許卒

〔管見〕臧孫許為魯卿阿事執政季孫行父其前值宣公薨季孫行父欲逐東門氏公子逐臧孫許怒之而不敢違乃曰子欲去之許請去之至東門氏去而後臧氏得存不然臧孫許敢與季孫行父相忤則既逐東門氏旋當以臧氏為黨於東門氏而俱逐之矣復安得於成公時猶守其卿位以卒於魯哉是可知春秋於此年書夏四月甲寅臧孫許卒其辭若有幸焉而其幸之意則實深譏之也云爾

公如晉

管見去年夏公如晉為拜汶陽田也今年夏四月公復如晉者何蓋因去年之冬十有一月晉侯使荀庚來聘且尋盟公既以丙午及荀庚盟矣又念晉之來聘足以報前此公如晉之拜田至其聘已而重以盟則晉侯親魯之意為有加也是不當有令之公復如晉以拜盟乎然君舉必書書而不法後嗣何觀彼去年夏之拜田既涉于邾而近利至今年夏之拜盟又流于誦而足恭邾不可言誦尤不可言故春秋一書公如晉公至自晉再書公如晉公至自晉如是而止其示識之意並渾含不露亦復原委可求

葬鄭襄公

管見鄭襄公堅以三月卒遂以四月葬何其速哉汪氏克寬曰喪未五月葬之速也太不懷也此於速葬之故未詳

季氏本曰。襄公卒。二月而葬。其速如此。必襄公以弟代兄。靈公其靈公之後嗣子。有爭也。觀襄公子悼公。未逾年而稱鄭伯。則必有故。而汲汲於即位治喪矣。此汲汲。遂葬。以推度所由。而仍不盡確。前左傳稱鄭公子歸生弑靈公。國人欲立其弟去疾。去疾讓曰。必以賢。則去疾不肯。必以順。則公子堅長。堅者。靈公庶弟。去疾之兄也。於是立子堅。是為襄公。然則靈公固未有子矣。不然。國人欲立去疾。去疾何。以不推靈公之子。乃獨讓靈公庶弟堅之為已兄者哉。靈公無子。而讓立之公子去疾。既終事襄公堅。又將繼事其子悼公。費也。國靡有爭。而疑其速葬之。惟有爭安可據乎。竊意此鄭伯堅者。以今成公四年之三月壬申卒。其去年夏。鄭公子去疾帥師伐許。冬。鄭復伐許。皆由鄭伯堅之銳志。圖許而將并之也。無何計方長而數已盡。遂卒。其卒之日。必屬其子悼公。費使之速成伐許。未竟之志。其於後稱諸侯。以五月葬。不必拘既葬則除喪。即吉正君位。以御戎旅。公子去疾嘗兩伐許。而無債事。可任以治軍矣。然

言其承平之世。尤當身親。泣之。使士卒見其成尊而權一。無不用命。乃庶幾其有濟也。因是而悼公費如其遺命。輒踰月而葬襄公。其冬。遂自將伐許。

秋公至自晉

管見左傳稱公如晉。晉侯見公不敬。季孫行父曰。晉侯必不免。又稱公至自晉。欲求成於楚而叛晉。季孫行父以為不可。公乃止。若然。則魯與晉當絕好矣。乃明年夏。叔孫僑如會晉荀首于穀。十有二月。公會晉侯。宋公。衛侯。鄭伯。曹伯。邾子。杞伯。同盟于蟲牢。又明年夏。公孫嬰齊如晉。冬。季孫行父如晉。是足知晉侯之不致。公之欲求成于楚。以叛晉。季孫行父之詆齊侯。以不免。與夫諫公以不可而止之者。孟子曰。盡信書。則不如無書。此亦其類已。

冬城鄆

師城諸及郛杜注郛城陽姑幕縣南有負亭負即郛也今山東青州府沂水縣北郛城是已此在魯之東境以東郛稱焉又後成公十六年傳言晉執季文子于召邱公待于郛杜注郛魯西邑東郡原邱縣東有郛城隋開皇十八年改爲郛城縣今屬山東兗州府濟寧州至昭公二十五年齊侯取郛公至自齊居于郛地亦同之此在魯之西境以西郛稱焉若此成公四年之冬城郛其地與魯之東郛西郛無涉得其解者惟戴氏溪曰定公時齊歸郛謹龜陰之田杜氏謂此三邑者汶陽之田也魯既得汶陽故城郛以自固攷勝朝一統志於濟南古蹟中有汶陽田在泰安州境內即齊人歸魯以謝過者後人因呼爲謝過城由是以思則此年之冬城郛其即城此郛謹龜陰之郛以守汶陽田者其地在魯之北境當別于東郛西郛而稱北郛矣家氏鉉翁亦嘗辨之然但知魯有二郛以東西爲判遂舉魯西郛之在今郛城縣者與魯北汶陽田之郛別在今泰安

州者混而為一。與國具在。顧安得不按其疆域道里之遠近以求合哉。

鄭伯伐許

管見何氏休曰。君稱伯者。樂成君位。親自伐許。故如其意以著其惡。程子曰。稱鄭伯見其不復為喪以吉禮從我也。按二說已盡經旨。

五年

春王正月杞叔姬來歸

管見趙氏鵬飛曰。內女見出。皆曰來歸。蔡氏鉉翁曰。杞伯來朝之明年而後叔姬乃歸。必叔姬自不安于杞。非杞絕之也。故其卒杞復送喪以葬。叔姬繫於杞義未絕也。吳氏澂曰。疑是叔姬無子。杞恒別有妾子為太子。叔姬心不自

安而願歸魯。故叔姬既卒而杞桓復來逆。共喪以歸也。按數說皆與前後經文貫串。

仲孫蔑如宋

管見左傳云。孟獻子如宋。報華元也。去年春。宋公使華元來聘。及此年春。而魯使仲孫蔑報之。此常事耳。而春秋必書之者。汪氏克寬曰。蔑與華元交相聘問。其情厚矣。而明年蔑與僑如通于晉。令遽興兵。侵宋之師。朝王帛而暮干戈。謹於邦交者。固如是乎。此論足以發明所由必書之旨。

夏叔孫僑如會晉荀首于穀

管見穀。齊地。荀首之如齊。左傳以為逆女。無所據。按此年冬十有二月己丑。公會晉侯。齊侯。衛侯。鄭伯。曹伯。杞伯。同盟于蟲牢。此晉侯之志也。而其先則唯恐齊侯之不易。與。益以成公二年夏六月癸酉。晉郤克帥師會魯衛曹

之師。及齊侯戰于鞏。齊師敗績。此怨豈能遽釋乎。既而又思其秋七月。齊侯使國佐如師。已酉。及國佐盟于袤。此好亦猶可復修矣。但齊侯不肯下人。晉先以禮下之。於是使荀首如齊。見齊侯。言冬十有二月。晉將合諸侯以同盟於蟲牢。在鄭境。即約齊侯以共為盟主。其班位即次于晉侯。而得加於宋公之上。與桓公三年齊侯衛侯晉命於蒲之事同。晉命者。彼此相命為侯伯也。今晉侯孺。以此招齊侯無野。而齊侯有必許之者。荀首乃還。比至於穀。而魯乃使叔孫僂如往會之。豈惟欲示殷勤於晉。使哉。茲側聞晉以同盟約齊。特令叔孫僂如。趙就荀首。以悉齊侯之意。向何如耳。此在成公仍幼弱。計不及此。如執政之季孫行父。必不敢不熟慮也。魯自齊侯伐我北鄙。遂乞師於晉。以報齊鞏之戰。經於晉。獨舉卻克於曹。獨舉公子首。而魯則首季孫行父。即聯舉臧孫許。叔孫僂如。公孫嬰齊。凡四卿。是爾日之戰。齊師敗績。而魯之計不可常矣。齊急而請盟。至秋七月已酉。盟于袤。魯乃解而魯遂以其八月取汶。

陽田於齊。倚晉令齊亦不能不聽其取。然則齊侯之怨魯不報之。怨晉為尤甚乎。及是而晉與齊將謀同盟以釋怨。修好則齊侯之必轉挾晉勢以脅魯者。知不遠矣。邲後之八年春。晉侯使韓宣來言。汶陽之田歸之於齊。非其明證耶。此在季孫行父之三思後行者。國之必謂齊晉將同盟。不成則魯之幸成則魯之憂也。其成不成之情勢皆須急。逐晉使荀首於塗。問憑之。問消息焉。此叔孫僑如之所由會晉荀首于穀也。與魯卿並阿順季孫行父。臧孫許為最。適以去年夏四月卒。故此會晉荀首于穀。則以叔孫僑如行耳。

梁山崩

管見梁山。杜注。在馮翊夏陽縣北。詩奕奕梁山。水經注。河水又南經梁山原。是也。夏陽。今同州韓城縣。屬陝西西安府。按此年夏書梁山崩。與前僖公十四年秋。書沙鹿崩。同。沙鹿亦山也。其崩之狀。如小雅所稱山冢。萃崩高岸為谷。

深谷為陵。可想見矣。所由來則以地震之甚致然。凡地震以山崩為甚。而春秋書其甚者。則自山崩而外。其為城郭室廬人民之傾圮。履歷尚何待悉數耶。若夫地震而未至於山崩。如文公九年之秋九月癸酉。襄公十六年之夏五月甲子。又昭公十九年之夏五月己卯。與二十三年之秋八月乙未。及哀公三年之夏四月甲子。春秋則皆正書地震。以明變之當戒。不可一遺。抑又借以見地震而至山崩其變之甚者。又當分別言之也。再按梁山不繫之晉。高氏閔曰。先王之制。名山大川。不以封。此說為允。因是以推沙鹿。其山在今大名府之元城縣。當時不屬於衛。必屬於燕。而亦不定指為何國。則並以其非諸侯正封之地。故削之以存王制云爾。而高氏本意。則謂不繫之晉為天下紀異也。初不知春秋書梁山崩。非直山有朽壤而崩之謂。乃實指晉之地。震固有若此其甚者於天下何與哉。

秋大水

〔晉見〕晉之梁山崩也。震之。魯之大水。天作淫雨也。地統於天。則皆天實為之矣。春秋連類書此。一似泛泛。以為天災流行。何國蔑有者。然其語意。則深譏二國之遇災而不知懼。習而安之。都如俗稱天大由天已耳。

冬十有一月己酉天王崩

〔晉見〕入春秋以來。及此年。凡歷九王。或崩葬並書。或崩葬並不書。亦或但書崩而不書葬。各有義例。非可執一論也。值茲成公五年。為周定王之二十一年。其冬十有一月。己酉。書天王崩。亦不書葬。則欲著天王之崩時。以罪天下諸侯之無王耳。何以見之。觀下聯書十有二月。己丑。公會晉侯。齊侯。宋公。衛侯。鄭伯。曹伯。邾子。杞伯。同盟于蟲牢。則可見矣。汪氏克寬曰。天子之喪。人道始終之大變。諸侯相見。揖讓入門。而聞訃。則不得終禮。況已聞而猶相與會盟。不亦無人心乎。春秋之諸侯。不知有王。乃至此。吁。可歎哉。按此說。深斥同盟于蟲牢之罪。而於經文先書天王崩之正。

旨亦

透

十有二月己丑公會晉侯齊侯宋公衛侯鄭伯曹伯邾子杞伯同盟于蟲牢

管見蟲牢杜注鄭地陳留封邱縣有桐牢今桐牢亭在河南開封府封邱縣北三里按同盟于蟲牢晉侯先使荀首如齊約齊侯以並主盟故宋為公爵而齊侯得序於宋公之上也前宣公十七年六月己未公會晉侯衛侯曹伯邾子同盟于斷道鄭伯不與蓋鄭自邾之戰晉師敗績則背背而與楚及鞏之戰齊師敗績復背楚而與晉故彼同盟于斷道無鄭伯此同盟于蟲牢有鄭伯也鄭伯凡與會盟皆次於宋公衛侯而先曹伯此亦因之惟楚為蜀之盟輒以鄭先齊亦猶此蟲牢之盟以齊侯先宋公且以邾子先杞伯皆臆定耳杞為伯國所封以備三恪者何以後於

邾子計杞伯之與會盟。特自此蟲牢始。然則晉侯之以邾子先杞伯殆為其常從斷道之盟。即足為小國從霸之倡。與蟲牢為鄭地。西距晉。東距齊。道里為均。晉侯於茲定盟。所者當謂其與齊侯約並為盟主。不使齊或嫌於就晉以盟也。且齊為初交。而同盟之諸侯。鄭又新服。以此而定盟。所於鄭地之蟲牢。不尤可以服鄭者。誇齊侯。又即因以交齊者。威鄭伯哉。再按此同盟于蟲牢。當成公五年之冬。十有二月己丑。凡九國。與二年之冬。十有一月丙申。楚以十二國盟于蜀。大抵相類。然春秋於會蜀之盟者。皆貶而稱人。於會蟲牢之盟者。則皆不人之而舉其爵。豈無貶乎。非也。觀上書冬十有一月己酉。天王崩。及十有二月己丑。中問纓四十。即聯書公會晉侯齊侯宋公衛侯鄭伯曹伯邾子杞伯同盟于蟲牢。新有王喪。而亟謀糾結邦交。施張霸令。是尚知有王哉。王曰天王。有崩者。即有嗣者。若奉天討以伸王法。即足知九國之君皆當削其爵以與齊民等矣。又何待明斥為人。必如蜀之盟而後為貶耶。

六年

春王正月公至自會

管見按此六年春王正月書公至自會為自其會而同盟于茲牢以至也及七年秋又書公至自會為自其會而救鄭即復同盟于馬陵以至也讀者須合觀之以見公之從晉役者其甚勤有如此若徒泥就其所會之殊地以各言其至則於經文一再書至之必詳者其旨隱矣

二月辛巳立武宮

管見高氏閔曰武公乃伯禽九世孫獻公之子於公為十一世祖毀之已久而輒立者蓋武公教在宣王時南征北伐伐仇王師有功而謚曰武焉至成公時季孫行父自多其功一旦出私意再為立宮聖人於此書立武宮以著季氏

何訛妄作之由也。按高氏以立武宮歸罪於季孫行父是矣。但所稱自多其功之意。仍謂其狃於葦之戰。以為功而欲於魯先世之有武功者。復立其毀廟以報之。則猶未得其情矣。竊憶禮記明堂位云。魯公之廟。文世室也。武公之廟。武世室也。蓋由魯於此年二月辛巳立武宮。然後以武公教之廟與魯公伯禽之廟對峙為二。以比周之文世室武世室耳。教之廟新立。號武宮。因其得謚。伯禽初未謚。文而其廟已久。則必異其號。為文宮矣。凡皆季孫行父之為之者。何為為此。以季孫行父之世其卿。及茲已歷三君。後當表其有勞。以從事於公。廟惟平生善謀。以文顯而不足於武。其心又以武為較輕於文。故別立武公教之廟。為武宮。而以魯公伯禽之廟為文宮。使他日卒葬之時。獨得謚為文。子以從事於魯公伯禽之文宮焉。爾至其子季孫宿繼為世卿。得輔襄昭二公。其卒葬謚為武子。則此所立之武宮。以奉武公教者。即為

與

取鄆

管見公羊謂鄆為邾邑當從之。但此書取鄆者。須與前書取汶陽田者作一例觀。乃知取汶陽田於齊。與其取鄆於邾。汶陽田本魯田。鄆亦本魯邑也。魯之失鄆。為邾所侵。何以遠得取之。由去年冬十有二月己丑公會晉侯齊侯宋公衛侯鄭伯曹伯杞伯同盟于燕牟。於是公請於晉而晉命於邾使反魯之侵地。而魯乃以今年二月得取鄆於邾也。前之取汶陽田既由齊侯之敗於晉而為喪。喪之盟此之取鄆。又由邾子之從於晉而為燕牟之同盟。皆衛晉令故其取之者直如物之先寄諸人。至是收而得之云爾。與其他侵伐圍入之言取者迥別。

衛孫良夫帥師侵宋

管見五年傳云冬同盟于燕牟。鄭服也。諸侯謀復會。宋公使向為人辭以子靈之難。此六年傳云晉伯宗夏陽說衛

孫良夫，齊相，鄭人。伊雒之戎，陸渾蠻氏，侵宋，以其辭會也。按同盟于蟲牢，晉侯與齊侯並為盟主，知其謀，彼會者在諸侯中，惟齊侯之志為多。宋公能忍於事晉侯，不能忍於史事齊侯，則其辭會為必有之。然其時同盟初畢，旋辭後之復會，以此處宋公之必背盟，尚何疑哉？以故此六年二月，衛孫良夫帥師侵宋，乃晉侯之命之者，蓋晉自有羣之戰，以致齊師敗績，實足為衛師之戰于新築而敗績者報其怨也。今以侵宋之役，使衛衛固，惟命是聽，而孫良夫之前請晉師而幸有功，益當謀有以自効於晉矣。至於傳言晉有伯宗、夏陽說衛復益以得相，且及新服之鄭人而多招伊雒之戎，與陸渾蠻氏於經無所據，則不必泥以為實可也。

夏六月邾子來朝

管見自文公十四年邾子貜卒，子貜且立。及茲成公六年，已在位三十四年矣。由去年冬同盟於蟲牢，晉侯敘其

班於杞伯之上。邾子深知服從大國之利，因謹遵晉令而反魯之侵地。既得使魯，以七年二月取邾，而又於其夏六月來朝於魯，以示絕無嫌於取邾之意。然則邾子獲且之在位久，諸練國故，遠則假威於晉，近則彌隙於魯，因時立策，在中邦亦無以易此，豈得以其介處僻陋而加之藐忽哉。

公孫嬰齊如晉

管見魯之取邾于邾，晉令也，即可知公孫嬰齊如晉為拜取邾云爾。

壬申鄭伯費卒

管見前之四年春三月壬申，鄭伯堅卒。及夏四月甲寅，即書葬鄭襄公。中間纔四十三日，自來廢禮速葬者，莫此為甚矣。至鄭伯堅之以三年再伐許，事未竟而卒，其卒時當有遺言，謂速制不必拘，而伐許乃其急務也。鄭伯死，亦此

亂命。滅喪紀。於是踰月而薨。其先君比於士。未及踰年。改元。不稱鄭子。而稱鄭伯。樂成。君位以吉。服從。戎此其天性。天良皆歸。泯沒。是尚有生理乎。即位不及二年。遂卒。鄭人謚曰悼公。悼。傷也。憐愛也。謚法。中年早夭曰悼。值茲成公六年夏六月壬申。鄭伯費卒。猶是中年早夭耳。乃不見其可傷而翻以為幸。不見其可憐愛而猶不勝其疾惡焉。於悼之義何居。故春秋不書薨。鄭悼公特欲削其謚。以重加之。貶絕亦嚴已哉。

秋仲孫蔑叔孫僑如帥師侵宋

晉見左傳云孟獻子叔孫宣伯侵宋晉命也胡傳云左氏載此師為晉命後二年宋來納幣請伯姬焉則此師為晉而舉非魯志明矣按聲罪致討曰伐潛師掠境曰侵伐志乎戰侵不志乎戰也此年春二月衛孫良夫帥師侵宋越夏而秋仲孫蔑叔孫僑如復帥師侵宋皆為晉命即可知其主於侵不主於伐亦皆為晉命矣在晉之意要不過欲

使宋公知所警懼。卒無敢背於燕。卒之同盟。焉。故魯之以晉命侵宋。使仲孫蔑為主。而以叔孫僑如佐。不強於僑如。而其賢加人一等。以為軍帥。乃足。偏如不得。以專兵自用。別生罽端。或至與晉命之主。侵不主伐者。有所乖。遺也。

楚公子嬰齊帥師伐鄭

管見左傳云鄭從晉故也此說無可疑

冬季孫行父如晉

管見趙氏鵬飛曰公孫嬰齊如晉既返而二大夫侵宋晉命也侵宋之師既返而季孫行父如晉報宋之屈耳明年救鄭之役宋復從晉者魯故也按此年秋仲孫蔑叔孫僑如之侵宋本由晉命晉亦必因夏六月之公孫嬰齊如晉

以命之其情勢應然。且晉有伐宋之命，為宋之同盟於蟲牢，而辭後之復會也。脫令衛一侵宋，晉再伐宋，而宋不屈。晉必有大舉以伐宋者。而其後晉師不興，則晉之伐宋，宋固以使通其誠於仲孫蔑與叔孫僑如矣。由是即還而魯復別以季孫行父如晉報宋之前辭復會，初不以侵宋終焉。其情勢亦顯然也。至左傳以為晉適遷于新田，魯賀之，改季孫行父如晉，然晉之遷國不見於經，則所稱賀遷者，究屬虛而無着已。國。

晉欒書帥師救鄭

管見此年秋，楚公子嬰齊帥師伐鄭。冬，晉欒書帥師救鄭者，以去年冬十有一月己丑，鄭伯之同盟于蟲牢，適新背楚而即晉也。然傳言晉欒書救鄭，與楚師遇於繞角，楚師還，晉師亦促蔡而還，莫敢遂伐楚。故春秋但書救鄭而止，所以譏晉之此役不能禁楚之不再伐鄭亦即不能保鄭之不復從楚云爾。

七年

春王正月鼯鼠食郊牛角改卜牛鼯鼠又食其角乃免牛

管見按此書鼯鼠食郊牛角謂其於頭之戴角處食之故獨指角言耳嘗質諸老農率言牛之角根皆有毛敷之其中或自生甥毛蟲小如蚤黑色噴牛癢而不痛牛以頭就樹木擦之角根毛脫周圍潤寸許不治則成瘡搗生蒜子塗之乃愈以此證之本草於鼯鼠曰甘口鼠其口甘即牛所以不知其噴之痛也又曰鼯鼠極細碎不可見其細至於難見即人所由莫防其如蚤而黑之將噴牛也此實與俗稱甥毛蟲者恰合矣然則鼯鼠之鼯從奚奚為何義目之為鼠而號以鼯殆怪其無鼠之形狀而實有鼠之殘害也與魯於此年之孟春將有事於郊其牛之在滌既經三

月而忽過。鼯鼠食其戴角之處，毛脫而皮見焉，則郊牛之角不可以稱全具，惡得用以郊乎？然郊為魯之成禮，明堂位云：魯君孟春乘大路，載弧韜，旂十有二旒，日月之章，祀帝於郊，配以后稷，此天子之禮也。將有事於郊而適以牛災不獲行事，國既無光，君安受福？其私衷有不能以已者，故前宣公三年春，王正月，郊牛之口傷，則改卜牛，未嘗遂不郊也。及改卜牛而牛又死，乃不郊，至此成公七年春，王正月，鼯鼠食郊牛角，則亦改卜牛，未嘗遂免牛也。及改卜牛，而鼯鼠又食其角，乃免牛，免牛即是不郊，宣三年之改卜牛，牛死無可免，故直言不郊，其不郊與免牛並用，乃字作轉著，其皆有無奈何之意，而私衷亦猶有不能以已者，故宣之牛死不郊，即睽書猶三望，成之牛不死而免牛不郊，亦卒睽書猶三望也。

吳伐郟

成公七年

三十一

管見吳始見經。李氏廉曰：吳自太伯奔吳，五世至周章，而武王克殷，因封之吳。又十四世至壽夢而始大僭稱王。此即壽夢之二年也。其先成公二年，楚申公巫臣奔晉，求通吳以罷楚。於是吳兵始及上國矣。按此書吳伐郢，郢在今山東兗州府郳城縣境，與魯接壤。吳何故而伐郢？蓋由申公巫臣自晉適吳，將通吳於晉，而先使吳通其道於郢，故伐之耳。郢之道何以見其不通而有待於伐？左傳稱晉侯使申公巫臣如吳，嘗假道於莒。莒在郢東，郢之適吳，於道較直，何乃舍郢而趨莒哉？是必先嘗假道於郢，而郢却之不，得達乃迂遠而從莒也。故既至吳而謀通吳於晉，雖真其子狐庸，使為行人，亦猶恐郢非素附於吳，不免終為梗耳。於是思有以脅郢，謂郢本微國，初不屑通，以貨賄也。以武臨之，其敢不惟命是聽乎？從可知伐郢之役，惟使其道得通，俾自吳而北至郢，自郢而西至晉，不留不處，式遏其行，則已矣。非別有所利於郢也。至後秋八月之書吳入州來，州來亦微國，代服屬於楚，以齊其惡疾。楚因疾州來，當

吳師之既入，必將因而取之。尤惜不能以遂。滅之，豈得同此春正月之仁哉？吳伐郟也哉。

夏五月曹伯來朝

管見曹伯來朝，殆因吳之伐郟而有戒心，乃就謀於魯耳。入春秋以來，吳師未嘗及中國，獨與楚為敵，讐而已。及此年春正月，吳乃伐郟。郟在魯南，曹在魯西，吳伐郟不已，能無遂伐曹乎？魯以大國介郟與曹之間，亦當有備在。魯君雖仍幼弱，其執政季孫行父以三思後行，聞於外，必善謀者。故以夏五月來朝，欲問魯之所以待吳而自為之計也。豈無事時之諸侯相見，特為邦交之常禮哉？

不郊猶三望

管見前僖公三十一年夏四月，卜郊不從，乃免牲，猶三望。免牲，即是不郊。至宣之三年，及此成之七年，並以牛有

災而不郊。其不郊之故。雖與卜郊之四不從有異。而其以不郊。猶三望者。則同踵舊事也。然又不能以無別焉。宣三年之改卜牛。以郊牛祀帝。其口傷。則改卜稷牛。以為帝牛。郊特牲云。帝牛必在滌。三月。稷牛惟具。以稷牛為帝牛。則不待更經。在滌之三月。而可以郊矣。至改卜牛而牛又死。乃不郊。而其猶三望者。固不出於春正月也。若此。成七年之改卜牛。以魋鼠食郊牛角。帝牛不吉。而復更無可用之稷牛。蓋魯之用郊父。而但於稷牛。惟具。遂不殺。與帝牛同在滌。三月耳。於是自春正月之改卜牛。必更經。在滌之三月。而後得為郊牛也。此孟春之郊所由必遲之。而至於仲夏五月。與無何及夏五月。將郊而改卜之郊牛。魋鼠又食其角。則魯雖欲郊。而卒無所用。以郊者。乃特免牛不郊。而以猶三望畢。乃事焉。按前書。春王正月。魋鼠食郊牛角。改卜牛。即聯書魋鼠又食其角。乃免牛。其意蓋包此夏五月之不郊。而統言之。以記是年魯郊之用牛。其災之叠見。有如此者。泥指為春正月。已免牛。何以至於夏五月。乃不郊。

乎。信。漢。知。其。中。間。二。三。四。月。即。為。所。改。卜。之。牛。在。滌。而。龜。鼠。又。食。其。角。之。月。乃。不。至。有。虛。月。耳。蓋。龜。鼠。雖。以。鼠。名。而。實。則。蟲。類。極。小。或。潛。生。於。牛。首。以。侵。其。角。人。初。不。覺。逮。得。見。其。所。食。之。處。而。以。角。指。之。其。積。日。經。時。亦。約。畧。及。三。月。矣。觀。先。所。卜。之。郊。牛。初。必。三。月。在。滌。起。於。去。年。之。冬。十。月。其。有。司。朝。夕。勞。之。君。又。當。朔。月。月。半。巡。之。彼。龜。鼠。之。食。其。角。若。非。久。而。後。見。豈。至。待。此。年。春。正。月。之。將。郊。而。始。改。卜。牛。哉。夫。龜。鼠。之。為。災。先。卜。牛。而。食。其。角。當。春。正。月。改。卜。牛。而。又。食。其。角。當。夏。五。月。非。偶。見。也。一。似。帝。心。之。卒。不。順。其。郊。者。然。此。其。免。牛。而。不。郊。固。宜。然。而。猶。三。望。之。不。已。則。亦。襲。前。人。臆。定。之。禮。而。不。知。其。非。焉。爾。其。三。望。之。辨。詳。見。前。

秋楚公子嬰齊帥師伐鄭公會晉侯齊侯
宋公衛侯曹伯莒子邾子杞伯救鄭八月

戊辰同盟于馬陵

晉見去年冬。楚公子嬰齊帥師伐鄭。冬。晉欒書帥師救鄭。傳謂晉師過楚師于繞角。楚師還。似畏晉而避之者。然及此年秋。楚復伐鄭。猶是公子嬰齊帥師也。於是晉侯自將。合公與齊侯。宋公。衛侯。曹伯。及莒子。邾子。杞伯。凡九國之師。以救鄭。殆欲并力。以挫公子嬰齊之師。即得抑強楚。而咸霸業焉耳。比至鄭。楚師又還。與前欒書之遇于繞角。同豈誠畏晉而避之哉。蓋楚之伐鄭。以為救之者。必晉也。晉或獨救之。又或摟諸侯救之。皆不可知。惟主於晉救。主則楚師還。晉救去。則楚師又出。楚能數伐鄭。晉能數救鄭乎。又能數勤諸侯。以救鄭乎。其定謀如此。以故此年之晉楚爭鄭。皆以私圖構怨。而春秋首書楚公子嬰齊帥師伐鄭。既不。以逞暴而削其氏。即聯書公會晉侯齊侯宋公衛侯曹伯。莒子邾子杞伯。救鄭。亦不以同黨而削其爵焉。其意欲見楚之一公子。能使九國之公侯伯子。以為君者。挾

救鄭之名以動衆興師無及於楚亦無功於鄭而皆廢然以返實足為中國之深恥也。至於兵車之會徒勞乃以衣裳之會相續秋八月同盟于馬陵亦聊借有事以為此行之不虛而已。其同盟與救鄭無涉。王氏葆曰諸侯有宋誓在馬宋以五年辭會魯衛受晉命而侵之。晉自晉文之卒至是始與盟約。故知其因馬陵之盟以因結之耳。馬陵杜注衛地陽平元城縣東南有地名馬陵。隋開皇六年析元城縣地置馬陵縣。大業初省。今直隸大名府治東南十五里有馬陵城。

公至自會

一晉見此會本主救鄭而獨以同盟于馬陵終焉。晉不得志魯亦徒從此役耳。故經文特書公至自會以冷諷之。

吳入州來

管見州來。杜注。楚邑。淮南下蔡縣是也。哀二年。蔡昭侯自
所蔡遷於州來。謂之下蔡。漢置下蔡縣。今壽州北三十里。
有下蔡城。劉氏啟曰。左氏以謂州來楚邑。非也。州來小國。
世服於楚。未嘗特與諸侯盟會。謂州來真楚邑。則背於經
矣。嚴氏啟隆曰。州來迤北。則魯。迤南而西。則楚。吳得州來。
可以窺楚。楚控州來。可以禦吳。故州來。吳楚之扼吭也。按
州來為小國。久服於楚。在今壽州境。壽州濱淮。吳之入州
來。蓋以舟師。自今淮安。溯流而上。至州來。頓舍舟於淮。而
以師入之。出其不意。非有待於國而後入也。後及昭公十
三年。吳滅州來。則撫而有之矣。嚴氏謂吳得州來。可以窺
楚。此論亦允。觀定公四年冬。吳入郢。傳云。楚自昭王即位。
無歲不有吳師。蔡侯固之。以其子與其大夫之子為質于
吳。吳為之伐楚。舍舟於淮。汭。注。謂吳乘舟從淮來。過蔡而
舍之。彼其先之乘舟於淮。非即具舟於濱淮之州來而固
以乘之乎。然則此書吳入州來。非獨為滅州來發。
其端也。即吳之入郢。亦謂自此入州來始可矣。

冬大雩

管見雩主禱雨。魯以用天子禮祀帝於郊。故雩皆稱大。春秋書大雩者。凡二十有一。其二十並在秋。或時或月。惟此一年之大雩。獨在冬。則何以故。蓋由魯值秋旱。禾不登。麥亦不殖。而公以是秋會師救鄭。及八月戊辰。乃同盟于馬陵。而還。當其公至自會。則亦秋盡而為冬矣。其大雩者。亦知其過時而舉之無益。聊用泰行故事焉。爾。

衛孫林父出奔晉

管見左傳云。衛定公惡孫林父。冬。孫林父出奔晉。衛侯如晉。晉反。戚。馬。杜氏預曰。戚。衛之邑也。孫林父出奔之後。戚隨屬晉。杜氏鵬飛曰。孫氏。衛之良大夫也。始。良夫見經六。專盟者二。專兵者四。會盟征伐。既一。出於世。及其子安。得不橫哉。林父。良夫之子也。定公不忍其橫。不能無憾於心。然未加譴。而林父奔晉。訴於大國。而內抗其君。其罪可

勝誅乎。晉不能治反威於衛。與其臣以逆其君。十四年卒。自晉入衛。晉反之也。其後寔淫其惡。至襄二十六年。入於威以叛。聖人始終著之首書。其奔書。其叛。林父之罪。無所逃矣。按此後經文。絕不見有書孫良夫者。蓋於是年已卒。子林父又襲為卿。定公乃不堪其專而思逐之耳。他罪未有聞。只觀林父之出奔。輒敢以孫氏世食之威邑往屬諸晉。其專不已大著哉。至衛侯如晉。晉反威焉。非不敢有衛之邑也。其在令反威于衛之意。即為他時欲復歸孫林父于衛之意也。與。

八年

春晉侯使韓穿來言汶陽之田歸之于齊

管見趙氏鵬飛曰。晉初為韋之戰。晉賁傾國以從。故使取汶陽之田以報功於魯。既敗齊師。頃公屈己以事晉。晉自

文公之後。齊益以東。及強侯。未嘗屈於晉也。戰鞏一敗。銳鋒頓挫。蟲牢之盟。拔鄭之役。執兵軟血。惟晉是從。晉得齊之服。為榮多矣。故常以取其田為負也。晉人得田。晉實無補。而負齊為多。魯人失田。晉實無傷。而於齊為惠。故寧使魯失田。而晉無負於齊。此所以有韓穿之來言也。汪氏克寬曰。曰來言。則見晉命之緩。蓋自知其言之不順。而未能必魯之從否也。曰歸之于。則見取魯田之易。晉卿之一言。重于三軍。而不敢固拒也。按二說。推闡極透。再韓穿之來言。未審如何措辭。觀公羊傳云。鞏之戰。齊師敗績。齊侯歸弔死問疾。七年不飲酒。不食肉。晉侯聞之曰。嘻。奈何使人之君。七年不飲酒。不食肉。請皆返其所取侵地。此雖以歸說欺人。然齊侯不若是之刻苦。何所因。以乞憐於晉。晉侯不若是之。或謂又。何緣得使韓穿代請於魯乎。是則以公羊傳為當時來言之情狀。可矣。若左氏稱季孫行父之私於韓穿。則直斥晉侯之無信義。又兩引詩詞。以晉比於淫奔之二三其德。遂究論晉之不遠猶者。必失諸侯。此可令。

韓穿復之於晉侯哉肆口詆訾而卒之未聞汶陽之田不
歸之於齊也田卒歸齊而於晉侯之使韓穿來言者轉不
免多所觸忤在季孫行父亦當不出於此更徵之明年春
正月晉合諸侯以同盟於蒲公不能以失汶陽田辭晉不
會則當此年之春晉侯使韓穿來言汶陽之田歸之於齊
者心雖不欲而其使貴寵其言復剴切公獨何能不唯唯
以聽命耶

晉樂書帥師侵蔡

管見杜氏預曰侵蔡報伐鄭也高氏閔曰晉得齊之後其
盡得諸侯也按二說當合看蔡一服晉而楚必頻伐之蔡
久服楚而晉乃頓侵之以為相報是晉所以興師之名也
而其欲盡得諸侯則亦有是隱情矣蓋晉自成之五年十
二月公會晉侯齊侯宋公衛侯鄭伯曹伯邾子杞伯同盟
于蟲牢七年秋公會晉侯齊侯宋公衛侯曹伯邾子杞子

杞伯救鄭。中夏之諸侯。唯陳蔡未得與耳。蔡尤近楚。若使
蔡而蔡服於晉。陳當從之。可不勞更用師也。然蔡自僖公
二十八年及晉文盟于踐土。其後專事楚。至今已四十有
八年。前惟文公十五年。晉卻缺帥師一伐蔡入焉。而卒未
能復使之從晉也。則此樂書伐蔡之役。庸有濟乎。且其侵
蔡之名。以為報伐鄭。鄭之譎詐。翻覆朝晉而暮楚。恬不為
怪。亦何可恃其心之無貳也。觀於明年春正月。晉合諸侯
同盟于蒲。鄭伯在焉。及秋七月。而晉執鄭伯。復使樂書帥
師伐鄭。猶是樂書也。而其帥師伐鄭。與今年之帥師
侵蔡以報楚之伐鄭者。其情事大相刺謬。亦可嗤矣。

公孫嬰齊如莒

管見高氏閔曰。因馬陵之盟。始復與莒通。此說有據。按前
宣公四年春。公及齊侯平莒及郕。莒人不肯。公伐莒。取向。
宣八年冬。莒取魯郕邑。故城平陽。以備之。九年秋。魯復於
莒。取根牟。報取郕也。十一年夏。公孫歸父會齊師伐莒。魯

莒之構怨其見於經者如此及十八年冬十月宣公薨成
公立既八年矣以去年秋公會晉侯齊侯宋公衛侯曹伯
莒子邾子杞伯救鄭八月戊辰同盟于馬陵則公與莒子
其足以釋怨而敦好者此其緣矣故魯以今年春使公孫
嬰齊如莒為莒之同盟于馬陵不復安於僻陋而先以禮
下之也至左傳以為公孫嬰齊自逆婦於莒未見其確

宋公使華元來聘

管見左傳云宋華元來聘聘共姬也按此前四年宋公使
華元來聘已達請昏于魯之意緣宋公未及昏時乃以此
年來聘復申前約而舉昏禮耳再按華元為宋上卿執政
雖君之取夫人亦將為主故春秋特以宋公冠之儀禮記
凡昏禮命使宗子無父母命之親皆沒已躬命之此稱
宋公使華元來聘亦即緣躬命之禮以抑華元之事也

夏宋公使公孫壽來納幣

管見按華元已為宋公聘伯姬矣。納幣則因其成事耳。使公孫壽者必華元也。而春秋亦以宋公冠之。又孰非絲躬命之禮以抑華元之專也哉。孫氏覺曰。納幣禮之小者。無事則不書。宋公納幣則書之。所以起伯姬之賢也。婦人不與外事。其行事不聞見於人。惟備書之。可以見其賢爾。伯姬傅母不至不下堂。卒以火死。春秋賢之。故書其納幣致女。以及後之卒。葬皆無遺焉。汪氏克寬曰。九年季文子致女復命。穆姜再拜。則知伯姬乃宣公女。穆姜之所出。而成公之妹耳。十四年成公始娶於齊。顧安得有女以妻宋公也哉。以上二說皆辨。惟並錄之以見伯姬之始末焉。

晉殺其大夫趙盾趙括

管見據左傳所載。趙盾通于趙莊姬。莊姬為晉成公之女。趙朔之妻也。朔為趙盾之子。而趙盾之姪也。盾以叔父下淫其姪婦。其兄趙盾同趙括不自安。放盾于齊。趙莊姬為趙盾之出亡故。諳於晉侯曰。原同屏括將為亂。樂卻為微。晉

以是殺趙同趙括。故春秋不去其官。書曰晉殺其大夫。一似訝其大刑已施。而二大夫之罪固未嘗顯白焉耳。而又不唯此而已。計趙氏之大夫有其罪顯白者。初不聞其殺之。則尤可訝也。蓋晉趙氏之戚。始自趙衰。衰四子以趙盾為嫡。而趙同趙括次之。其季則趙嬰。彼趙嬰之無行。在成公四年傳已載。晉趙嬰通于趙莊姬。其罪既顯白矣。先王之法。內外亂。烏獸行。則滅之。滅為誅。滅是猶得免於殺乎。而晉初不問其為放諸齊者。實乃聽其兄趙同趙括之縱舍以逸也。若趙盾之謀大逆。在宣公二年傳已載。晉大史董狐書趙盾弑其君夷臯。其罪尤顯白矣。先王之法。放弑其君。則殘之。殘當轅其尸。又豈特通言殺乎。而晉卒不問其得晏然于晉者。實早任其弟趙同趙括之容隱不發也。異哉。頻有信讞。皆無誅適有疑獄。乃立決。從可知春秋於此年夏。書晉殺其大夫趙同趙括。其致慨者深遠矣。

秋七月天子使召伯來賜公命

管見按天王改稱天子錫公命改稱賜公命在經文必非無意竊思天子臨蒞諸侯則稱王天王受養庶民則稱天子錫與賜之義雖通就命言之命降於諸侯如車旂服物之類則稱錫命降于庶民如職銜封誥之類則稱賜猶之賜義為與禮記玉藻云凡賜君子與小人不同日注謂君子小人辨以位君子曰賜小人曰與凡常物之逮下亦有此分別則命之曰錫曰賜其不能混而一之可知此成公八年秋七月書天子使召伯來賜公命不書天王使召伯來錫公命者識公之膺此命幾同於無位之庶民或納金於王之太府以邀其榮寵焉爾何以見之前文公元年夏四月天王使毛伯來錫公命文公何以得此于王哉觀其來錫命者即後九年来求金之毛伯文公殆因毛伯賂王以金故得王之錫命王亦即使毛伯來錫之與今成公亦踵前事而行焉者惟此召伯之來其後不更來以同毛伯之求金則無以徵其用賂於王矣故前稱天王此改稱天子前稱錫公命此改稱賜公命使人嗤召伯之來本為天王

之錫。公命。覺無以別于天子之賜。庶民命也。庶民非有位者。苟非納金於天子。何由得賜命哉。

冬十月癸卯杞叔姬卒

晉見陸氏淳曰。杞叔姬雖出。卒于魯而猶繫之杞者。為喪歸杞故也。按此說與前後經文一串。

晉侯使士燮來聘叔孫僑如會晉士燮齊人邾人伐邾

晉見按申公巫臣欲通吳于晉初自晉適吳過邾必邾之不肯假道乃自莒入吳故當去年春正月使吳伐邾及自吳還晉又過邾亦必邾之不肯假道仍自莒歸晉故當今年冬十月復使晉伐邾也晉伐邾之役使士燮來會師而必將之以聘者殆思先報春之魯從晉令以歸田于齊而後徐白此冬之晉欲請師使魯得與齊人邾人伐邾耳前

晉侯之同盟于燕牢。再同盟于馬陵。公與齊侯盟于晉。而
馬齊侯新與晉而得拜其師。汶陽田之惠。邾子討事晉而
亦重。逃其班。先杞伯之榮。及光而使魯士燮伐邾。其能不
惟命是聽乎。至若魯成公之初立。即使戚孫許及晉侯盟
于赤棘。以結大援。二年齊伐我北鄙。晉使邾克及齊侯戰
于鞏。齊師敗績。魯因得取汶陽田。於今凡七年矣。及齊頃
公屈己事晉。晉復令以汶陽田歸之于齊。魯雖不欲而韓
穿之來言其辭婉。魯亦不能固拒。則今之會伐邾者。復有
士燮之來聘。其禮加。魯又胡能不隱忍從事哉。再按叔孫
僑如會晉士燮。皆卿也。則齊人邾人之非齊侯和于斷可
知矣。但人為貶辭。春秋特以貶國君耳。其臣雖為卿。固並
不足當此貶矣。況師以臣將。必受君命。何用舍君而貶其
臣乎。即如魯叔孫僑如與晉士燮之會伐邾。一皆受命于
公。與晉侯則卿來一如其君來也。在春秋之示貶于齊人
邾人亦即以例貶魯。晉者其不指
定叔孫僑如及士燮亦斷可知矣。

衛人來媵

〔晉見〕此八年冬十月衛人來媵。九年夏晉人來媵。十年五月齊人來媵。傳說皆指為媵伯姬。恐未必然。蓋九年二月伯姬歸于宋。夏季孫行父如宋致女矣。衛人來媵猶在伯姬未歸于宋之前。若晉人齊人之來媵則後于伯姬之歸宋者。或更數月。踰時或更十數月。踰年何得以為媵伯姬耶。且魯女伯姬為宋嫡夫人。而欲屈衛晉齊三國之女為之媵。各從以二娣姪。於情事亦太遠矣。竊意媵本妾之別名。成公以幼弱即位。殆及此八年而可以昏。然猶遲之至於十有四年秋。乃書叔孫僂如如齊逆女。九月僂如以夫人婦姜至自齊。因是未娶夫人而先納妾。自八年至十年初稱衛人來媵。再稱晉人來媵。又再稱齊人來媵。皆由買而得之。人為男女之通號。又房中置妾亦通號為人。賤之也。可知此來媵者其來異地。得以衛晉齊別之。而其來為媵則同。是當以人概之。而曰衛人晉人齊人矣。然公之娶

夫人可更經六年。而其求諸衛。晉齊以納妾者。於三年未
嘗有聞。彼季孫行父之惻其君。宜誠置若罔聞哉。蓋歷見
隱桓以來。及茲凡八君。惟莊公同為嫡夫人。之長子。其文
公之母。歸姜是嫡。與否亦無明文。然則魯之繼世嫡家多
不利。而庶孽乃無虞。固其常也。以是思季孫行父之以忠
聞。其為君成公。謀國家定社稷者。即在此。衛人晉人齊人
之來媵也。與觀後十四年。公娶夫人姜氏。十八年。公薨。夫
人未有子。立其妾定姒之子。為襄公。姒為杞姓。夏之後。多
歷年所。其疎族之微賤者。敬在四方。有女好。適聞魯使將
為其君買妾。以充後宮。待追思夫人為之媵。遂售之。亦足
料此八年九年十年中。衛人來媵。晉人來媵。齊人來媵。在
定姒必居一焉。此外二媵亦不當泥求諸姜之大姓與姬
之同姓也。徒以得媵之處繫之其人焉爾。

九年

春王正月杞伯來逆叔姬之喪以歸

晉見家氏鉉翁曰。夫婦大倫。有過而出。不復已也。而禮有無子而出。禮之疑也。檀弓有孔氏不喪出母。又疑也。觀春秋書叔姬之事。見聖人厚倫之意。自始歸至卒。以及逆喪。皆繫之杞。是與其能歸而為之書也。未聞既出而遂絕。既絕而不可復也。彼謂子思不喪出母。齊東傳聞之說。不可不辨。按叔姬本以無子而自歸。非出也。杞伯逆其喪以歸。則必與其妻及妾之子。皆為叔姬服焉。此亦亡於禮者之禮。其動也中。春秋書之。無貶辭。則無子出之疑。與夫孔氏不喪出母之疑。皆可釋矣。

公會晉侯齊侯宋公衛侯鄭伯曹伯莒子杞伯同盟于蒲

晉見左傳云。為師。汝陽之田於齊。故諸侯。於晉人。作
今。以尋馬陵之盟。又云。是行也。將使會吳。吳人不至。
於此。盟主於會。吳其名。則恐諸侯之。而尋馬陵之盟也。
故晉之此行。將始會吳。亦可不以吳。不至為。然吳與
楚皆蠻。邦。晉同盟以謀外。楚復同盟以思會。吳且不恃哉。
而春秋乃書公會晉侯。齊侯。宋公。衛侯。鄭伯。曹伯。莒子。杞
伯。同盟于蒲。皆不削其國。爵。以貶而稱人者。特不欲為蠻。
邦。而抑諸夏。聊以存其體焉耳。前盟馬陵之諸侯。惟邾子
在其國。不與。殆以晉期會吳于蒲。吳來道必經邾。乃獨留
以逆吳于境。而即陰以備吳也。與蒲。杜注。衛地。路史注。衛
之蒲。在今河南開封府長垣
縣東北十里。子路所宰邑也。

公至自會

晉見。書公至自會。譏晉之將始會。
吳而吳人不至。徒以勤諸侯云爾。

二月伯姬歸于宋

晉見此魯成公九年二月。伯姬歸于宋。歸宋七年。當成之十五年夏六月。宋公固卒。而是年三月癸丑。已書公會晉侯。衛侯。鄭伯。曹伯。宋世子成。齊國佐。邾人。同盟于戚。然則伯姬歸宋之七年中。雖未嘗無子而稚甚矣。蓋宋公固之娶夫人由華元主之。不欲其蚤有世子而先聽其御妾。乃使求媵納之。與魯季孫行父之事。成公以三年而頻致衛人。晉人。齊人。之來媵者。畧同。故伯姬之歸宋。纔七年。其妾子名成。既得奉之。會諸侯以盟戚也。成之會盟于戚。何以得稱世子。由伯姬以宋公數近女而致疾。竊慮其不能久存。遂亟為宗社計。啟宋公以成為世子立之。使無身後之憂。可不謂賢乎。伯姬為夫人七年。宋公固卒。世子成繼之。伯姬為君嫡母者。又三十三年。當魯襄公之三十年夏五月甲午。宋災。伯姬卒。死于火也。穀梁傳云。伯姬之舍火。左為再請避之。入以保傅。不在宵不下堂。遂逮乎火而死。此

其雖傳而其不言之隱則未得盡傳也蓋自宋公成即位伯姬有子而旋罹患亦已傷矣猶緣所前立之世子成復有世子痊為之後又得有庶弟佐以翼世子使不孤焉時伯姬所常胸育以為國祚之綿長於是乎有賴也無何宋公成之二十九年當魯襄公之二十六年一旦生庶孽奪嫡之禍遂至宋公殺其世子痊以佐為世子伯姬於茲家難不及救正鬱鬱獨處無意於人世益晨夕祈死者久之越四年而其居舍火夜作伯姬知為神應如願即自入室局門雖有能為君母而焦頭爛額者亦無從得入哭如其來如焚如死如炎缺燭天瑞然坐化伯姬竊謂歸宋以來所謂存吾願者歿吾寧即此而是他尚何言哉若然則殺梁戕其請避不許云云亦獨據所傳聞以表章伯姬猶未為實錄也而在當時之哀其守禮者或復惜其不達於析故左氏並記之曰君子謂宋共姬女而不婦女待人婦義事也夫豈知伯姬之賢臣亦有其不可測哉

頁季孫行父如宋致女

管見公羊傳云。未有言致女者。此其言致女何。錄伯姬也。按之經旨。為合。至致女之禮。諸家說致字。義多未安。由曲禮通之。大夫七十而致事。若不得謝。則必賜之几杖。是知致之。為言謝也。女嫁三月。既廟見於。是始謝女。道而成婦。道故言致女。以明其成婦耳。斯殆嫁女于國。君為夫人者。乃有是禮。與。今年二月。伯姬歸于宋。夏季孫行父如宋。致女。雖不定。指何月。亦必及三月。可知。國君致女。不必使卿而魯以季孫行父如宋者。宋之有華元。猶魯之有季孫行父也。其私交已久。會當如宋致女。季孫行父。蓋自請於公。而公許之者。春秋書曰。季孫行父如宋致女。以為譏其如宋之意。特為華元而實。輕于致女。可矣。又以為譏其如宋之意。實為華元而反。重于致女。亦可矣。若讀者但據傳言致女為錄伯姬。遂謂季孫行父之如宋。固無譏焉。於經旨究為未備。

晉人來媵

秋七月丙子齊侯無野卒

管見董氏仲舒曰頃公齊桓之孫伯主之餘業即位九年未嘗一與會盟之事有怒魯衛之志伐魯入其北鄙伐衛敗之新築大國往聘慢而不敬晉魯俱怒合四國之衆圍之于鞏大辱身幾亡國為天下笑又史記齊世家云齊頃公以其十年敗績于鞏十一年屈身朝晉歸而弛苑囿薄賦歛振孤問疾虛積粟以救民民亦大說厚禮諸侯竟頃公卒百姓附諸侯不犯以此論之則其卒之先年春晉侯使韓穿來言汶陽之田歸之于齊謂齊侯七年不飲酒食肉亦非盡飾辭矣夫頃公懲于初特強橫喪師辱國一旦翻然改圖獨從事於慈惠恭儉豈非克於厥初者亦獲國惟厥終也哉故春秋既書秋七月丙子齊侯無野卒再書冬十有一月薨齊頃公與明年之書晉侯孺卒而不書

莖者異焉。謚法甄心動懼曰頃。此其一也。甄為陶人作瓦之法。以圓桶附泥為之。下有盤。其心居中。能運轉。是以人之有回心以易行者。借其象曰甄心向之。心漠然。今則動向之。心悍然。今則懼。是所謂甄心動懼也。齊侯無野有合於此。乃特書莖。齊頃公以存其謚。亦欲著其悔過遷善之心。終有不可沒焉。爾至。晉侯孺之卒。及莖。以景謚。謚法布義曰剛。曰景。此亦其一也。彼晉侯孺之生平。其犯義逞剛者。不與論。當其將死。左傳謂晉侯夢大厲。被髮及地。搏膺而踊。曰殺余孫不義。余得請于帝矣。壞大門及寢門而入。公懼。入于室。又壞戶。公覺。召桑田巫。巫言如夢。公曰何如。曰不食新矣。公疾病。求醫于秦。秦伯使醫緩為之。未至。公夢疾為二豎。子曰彼良醫也。懼傷我。焉逃之。其一曰居肅之上。膏之下。若我何。醫至。曰疾不可為也。在肅之上。膏之下。攻之不可。達之不及。藥不至焉。不可為也。公曰良醫也。厚為之禮而歸之。六月丙午。晉侯欲麥。使甸人獻麥。饋人為之。召桑田巫。示而殺之。將食。張如廁。臨而卒。小臣有晨

夢負公。以登天。及日中。負晉侯出諸廁。遂以為殉。按晉侯
猶以夏五月丙午卒。夢登已兩月矣。則其欲食新者。穀也。
穀早及六、十日而熟。亦可食。將食新而召示桑田巫。殺之。
惡其言之中耳。危哉秦醫。苟非有二。豈子先然啟之。疾不
可為之云。詎不足以殺其軀乎。大凡凶人為不善。沒身不
悔。晉侯猶負膏肓之病。在膏上心下。亂氣狡憤。陰血周作。
張脉債興。外強中乾。大命迫止。其胸臆之費。闇積不能破
也。乃其自卒及葬。猶謚以景。景為光明之象。與昔闇大相
背違。此春秋所由不書。
葬晉景公以削其謚與。

晉人執鄭伯。晉欒書帥師伐鄭。

官見。此為鄭成公論之三年也。左傳謂楚人以重賂求鄭。
鄭伯會楚公子成于鄧。是為貳於楚矣。但楚素恃強而忽
以重賂求其君。將以求鄭而鄭亦莫敢不諾。所由然未
可知。放中紀鄭世家云。前鄭悼公費之元年。許靈公惡

鄭於楚。悼公使弟踰於楚。自訟。訟不直。楚囚踰。於是鄭悼公來與晉平。遂親。踰私於楚子。反。子反言歸。踰於鄭。二年。悼公卒。立其弟踰。是為成公。成公三年。楚共王曰。鄭成公孤。有德焉。乃使人來盟。成公亦遂私與之。盟。是年秋。成公朝晉。晉曰。鄭私平于楚。執之。使欒書伐鄭。據此。則經文於春正月。方書。欒伯會晉侯。同盟於蒲。未幾而秋。復天書。晉人執鄭伯。使欒書帥師伐鄭。亦不覺其情事之乖違。為太甚矣。惟計鄭之忽晉。忽楚。其無信已非一日。而晉之與楚。數爭。鄭者。無若楚。何。而獨思逞憤于鄭。遂至執其君。以代其國。是為大不義也。可無加之貶絕。而稱人哉。至若伐鄭而鄭使伯嚭行成。晉人殺之。又楚人聞晉之伐鄭。亦使子重帥師。侵陳以救之。並見左傳。王氏樵曰。殺伯嚭不書。既執其君。舉重也。楚侵陳以救鄭。不書。不與其救也。

冬十有一月葬齊頃公

管見春秋書墓者不一例此則特與明年晉侯獮之不書墓者作反對也

楚公子嬰齊帥師伐莒庚申莒潰楚人入

鄆

管見初申公巫臣自楚奔晉請使於吳晉侯許之吳壽夢由是得申公巫臣遂為楚忠故楚人以吳晉之通怨申公巫臣之適吳並怨莒渠邱公朱之聽假道也及茲成公九年冬十有一月楚公子嬰齊帥師伐莒職此之由耳庚申莒潰非叛其君也莒地僻險值楚師以庚申至不抗楚輒相率散走山谷以示怯楚不待圍而莒城一空其別邑有鄆楚師復自莒長驅時如入無人之境而已楚師易莒不設備乃失其裨將焉觀左傳所載謂莒人囚楚公子平何以得囚耶又謂楚人曰勿殺吾師而俘莒人殺之何以敢殺耶細玩經書莒潰則鄆之隨潰可知即職書楚人入鄆

則莒之先入亦可知。是豈莒子與其羣臣百姓畏楚師誠甚。皆倉卒不知所為。遂委而去之。以任其克斥哉。蓋楚師來而待之。以潰者。使之無可恃。潰而縱之以入者。使之無可攫取。獨聞楚之親貴有公子平。實佐軍事。亟共謀以間執獲。囚而殺之。亦足以威主帥。公子嬰齊而貽辱於楚王。審矣。俄而莒志竟成。則楚之此役。在今之無功忍恥不足論。在先之恃強逞憤。重可貶也。故春秋人之曰楚人。楚人孰謂。謂楚子耳。公子嬰齊之帥師。命由楚子。則卿將猶之君將。不得以楚子未始親行而寬其責備也。且春秋人字貶例。但為君設。不得以臣參之。

秦人白狄伐晉

管見家氏鉉翁曰。宣八年。書晉師白狄伐秦。議在晉也。然晉猶書師。今書秦人白狄伐晉。貶秦也。奚貶乎。以其黨於楚而為之出師也。按此說。最得經旨。蓋爾時晉楚爭強。晉在北。楚在南。惟東吳接壤于楚。亦惟西秦睽界於晉。晉之

所通於吳者將以害楚。而楚之久結於秦者。報以害晉。於
是吳即未及楚。而秦師已及晉矣。今楚為楚子密。其前則
楚子旅。與秦伯。瑩。同。時。文公十六年。楚人。秦人。巴人。共滅
麇。楚。以庸地之錯。入於秦者。五。林。以屬之。秦自是通好。在
伯瑩。卒。秦伯。稻。繼之。及秦伯。瑩。秦伯。榮。與楚子。密。同。時。成
公二年。楚子。密。襲前楚子。旅。創。霸之餘業。大令。諸侯。以。盟
于。蜀。蜀。為。魯。地。之。湖。子。齊。者。距。秦。遠。秦。伯。榮。患。然。肯。來。克
襄其事。此情之。和。協。亦。孔。固。矣。然則此成之九年。書秦人
白狄。伐。晉。秦。主。兵。家。氏。謂。其。黨。於。楚。而。為。之。出。師。者。豈。不
誠。然。乎。哉。至。秦。之。伐。晉。而。借。助。于。白。狄。非。期。其。來。會。特。約
以。通。應。耳。白。狄。亦。狄。之。類。亦。狄。前。踞。今。潞。安。故。其。長。稱
潞。子。若。自。潞。安。以。外。及。遼。州。一。帶。僻。地。有。庸。咎。如。則。白。狄
當。亦。在。焉。此。介。晉。之。東。北。鄙。因。是。宣。公。八。年。晉。人。亦。嘗。以
白。狄。伐。秦。也。及。宣。之。十。五。年。晉。師。滅。赤。狄。潞。氏。以。潞。子。嬰
兒。歸。十。六。年。又。滅。赤。狄。甲。氏。及。留。吁。白。狄。傷。其。類。固。必。有
背。晉。而。向。秦。者。此。所。以。猶。是。白。狄。晉。得。因。之。以。伐。秦。而。秦。

亦得因之以伐晉也。與惟秦與白狄隔于晉。會師為難。乃使渴餉白狄。同日舉兵。秦伐晉之西南。衝其前。白狄伐晉之東北。牽其後。作火攻之勢。使晉不得兼顧。必堅守不出也。如是則秦得師徒無虧。而晉之邊疆大為搖蕩。亦足藉口以復于楚矣。豈必其大克而深入哉。故春秋亦但書伐晉而止。其卒無戰。無圍。無入。無取之可言也。夫秦之先世嘗以霸西戎。稱矣。至是而為楚蠻所役。懼不競。又引非我族類之白狄為與。秦伯其何以自立乎。貶而稱人。固宜。

鄭人圍許

管見左傳云。鄭人圍許。示不急君也。是則公孫申謀之曰。我出師以圍許。為將改立君者。而紆晉使。晉必歸君。注云。此秋。晉執鄭伯。鄭不求服于晉。而出師以圍許。示晉不以此執其君為急也。紆緩也。勿亟遣使請晉。示欲更立君也。晉恐鄭別立君而執一人為無益。必歸鄭伯焉。此明年晉侯歸鄭伯。張本。按傳注皆得圍許之意。惟鄭人二字無着。鄭

未有君。誰為動大衆以圖許耶。觀左傳亦稱鄭公子班聞叔申之謀。遂立鄭伯之弟公子緡。是為改立君矣。鄭伯被執而改立君。其君也與哉。從可知此書鄭人圖許。其鄭人者。斥改立之君。公子緡耳。既改立公子緡。旋即奉公子緡以圖許。所以示晉也。揆之事勢。並當在此九年冬十有一月。而傳未審此鄭人者。本斥改立公子緡之非君。乃於圖許之後。及十年三月。始言公子班立公子緡。則不无于誤矣。又按鄭之改立君。將以示晉。而必有事于圖許。有非特示以有君亦且欲示以能君也。何以言之。成三年及鄭伯堅使公子去疾帥師伐許。冬再伐許。以四年春三月卒。鄭伯費繼之。未及改元。遂自將伐許。又以即位踰年而卒。其嗣立者為鄭伯踰。既三年亦未始忘情于許。而忽為晉所執。鄭無君。乃改立君以守其國。國之大事在戎。而改立之君他務未遑顧。欲續示先世圖許未就之緒。而出師圖之。其敢定居克奮厥武。可不謂能君乎。而春秋必貶而人者。嚴君臣之定分也。如後成十五年傳云。春會于戚。討曹。

成公也。晉侯執曹伯歸于京師。諸侯將見曹伯之弟子臧于王而立之。子臧辭曰：「前志有之曰：『聖達節，次守節，下死節。』為君非吾節也。雖不能聖，敢失守乎？」遂逃奔宋。以此終鄭公子繻。鄭以其君被執而改立君，公子繻輒當之殆，自以為儼然一君矣。其君也與哉。

城中城

管見趙氏鵬飛曰：前者楚人伐莒，莒潰遂入鄆。鄆通于魯，實懼之。今城中城，備不虞也。中城雖遠于楚，觀莒之潰亦不可不備矣。按八年傳云：「晉侯使申公巫臣于吳，假道于莒，與渠邱公立于池上。」曰：「城已惡。」莒子曰：「僻陋在夷，其孰以我為虞？」對曰：「夫狡焉思啟封疆，以利社稷者，何國蔑有。勇夫重閉，況國乎？」據其城已惡耳。魯戒于莒，城中城以備楚，固其宜矣。惟中內一莒，中城猶內城云爾。亦通。

計隱公七年城中邱。在今沂州東南三十里。桓公五年城祝邱。在今沂州東南五十里。莊公十二年城諸及防。諸在今青州府諸城縣去府城東三百里。防在今兗州府費縣東北六十里。由諸而中邱。祝邱以至防並魯之南鄙。逸邲相屬。以東帶于莒者。城亦皆完。以備楚而加慎。乃增築重城于內。以屏蔽其門之臨街道者。為旁門。以通平時出入。有警則堅閤之。其亦有合于勇夫重閉之意也夫。

十年

春

衛侯之弟黑背帥師侵鄭

管見左傳云衛子叔黑背侵鄭晉命也是矣蓋晉自去年

楚也。鄭使伯鯨行成。晉殺之于時。楚子重侵陳以救鄭。鄭堅守以待楚救。不服。晉晉樂書之師亦還。及冬十有一月。鄭不以晉執其君為急。而改立公子緡為君。旋奉之以圓許。晉人聞之。因自度其執鄭伯者。留之無益。歸之。亦無因。於是先以此年春命衛師伐鄭。使鄭不得寧。或以行人私于衛而求代達其請成于晉之意也。及衛師伐鄭。鄭仍不服。晉其夏五月公會晉侯齊侯宋公衛侯曹伯伐鄭。固亦晉之無若鄭何而出于此。與至論此春之衛師侵鄭。帥師者。本公子黑背也。經文不書公子而特書衛侯之弟胡傅。謂與隱七年及桓三年兩書齊侯使其弟年來聘無以異焉。致齊侯祿父生襄公諸兒其弟年有龍頻使之出聘。以後年之子公孫無知遂因連稱管至父之亂弑襄公而自立為君。衛侯臧生獻公衛其弟黑背有寵並使之帥師。以後黑背之子公孫剽亦遂因孫林父甯殖之亂出獻公而代立為君。然則前之夷仲年與夫今之子叔黑背皆特指為齊侯之弟。衛侯之弟豈非其因龍醜亂者徒以私于

弟而啟。後嗣之弟而不弟。哉。試究觀衛事。成十四年。齊師侯滅卒。不審此。黑背之帥師。侵衛者。尚存與否。及襄之十四年。書衛侯出奔齊。其篡立者。則黑背之子。則也。後逮襄之二十六年。乃書衛侯復歸于衛。以此知衛之後君。其位正而後亂。亂而反正者。經魯之成。襄二公。凡三十年。而國先及成。十年之衛定。公滅。書曰。師侯之弟黑背帥師侵鄭。其大端已畢見矣。他若因侵鄭而譏晉之務與楚爭。並譏衛之甘為晉役者。以為餘論可也。

夏四月五卜郊不從乃不郊

管見魯之郊在孟春。因天子孟春祈穀之郊也。然魯郊必卜日。日用上辛。在句以內。其句以外之下辛。不得以其日郊。並不卜也。魯卜郊于孟春。從則郊。不從則不郊。特以過時而舉為非。禮馬爾。若後之襄七年。乃三卜郊。豈不以仲春。季春。雖非孟。而猶是春乎。至前僖之三十一年。及後之襄十年。復四卜郊。又豈不以夏四月之非春。猶是時之首。

而稱孟乎。及此成十年而更有事于五卜郊者。仍不出夏四月。則或以四月之上辛不從。猶庶幾于四月之下辛從也。郊日用辛。得辛則亦可以郊矣。夫孰非謂郊為魯之重祭。一歲不郊則無以為邦家光。遂不憚瀆神而屢卜乎。然有加于三卜四卜而為五卜。其不從亦如故焉。是欲更卜夏五月而不得也。乃不郊玩乃字之意。其果成公之五卜郊而不欲更有加與。蓋以前之七年春正月。是為孟春當郊。而饕餮食郊牛角。改卜牛。仍須在滌三月。乃卜郊于夏五月之上辛。卜亦從。及期饕餮又食其角。亦卒免牛而不郊。從可知。今之夏四月五卜郊不從。雖加卜于夏五月。其郊尤為過時。牛雖無故。卜必終不從也。此其所由以不郊者。獨以無若卜何而乃已。豈遽已哉。但前書不郊猶三望。及此不復踵而行之。是後固亦未有不郊猶三望者。聊足為魯幸云。

五月公會晉侯齊侯宋公衛侯曹伯伐鄭

晉見此年春衛侯之弟黑背帥師侵鄭。晉命也。侵鄭而鄭不服于晉。晉伐之。五月公會晉侯齊侯宋公衛侯曹伯伐鄭。晉主兵。晉侯亦自將也。啖氏助曰。左氏云。晉侯有疾。五月。晉立太子州蒲以為君。而會諸侯伐鄭。若然。失禮之甚。經常有貶。既無貶文。蓋傳妄也。按此說為定。經必無。晉太子生代父位。而即得正書其爵曰晉侯者。至于傳言晉會諸侯伐鄭。鄭子罕賂以襄鉏。子然盟于修澤。子駟為質。辛巳。鄭伯歸。亦足據以見伐鄭之終事。且於去年晉人之執鄭伯。皆有所歸結矣。但此伐鄭之舉。必以討鄭之改立公子繻為名。因以鄭伯。諭從在軍中。聲言欲去公子繻。而更立之。於是鄭人殺公子繻。其黨子繻而擅立之公子班。亦奔許。故鄭伯踰復君其國也。然晉侯之歸鄭伯。不見于經者何。蓋前之敢執鄭伯。實為大惡。則今之思歸鄭伯。特其小善耳。乃獨因晉侯之伐鄭。不貶而削爵。使有別于執鄭伯之稱。晉人則亦已矣。其他會師伐鄭之諸侯。皆從此例。是雖不欲盡沒其歸鄭伯之小善。而卒不使稍掩其執鄭

伯之大惡。
其旨微哉。

齊人來媵

丙午晉侯孺卒

管見晉侯孺以五月伐鄭。即以其月之丙午卒。暴卒也。脫使其伐鄭時。非以鄭伯從。則鄭伯之執于晉。將終身焉。何由得復歸其國哉。至于晉侯孺之書卒不書葬。與前齊侯無野異。為齊侯之葬。謚以頃為差合。晉侯之葬。謚以景為大相背也。辨已見前。再按春秋獨書晉侯孺卒。豈即欲以其名之真正其謚之妄乎。說文云。孺。怒犬貌。後哀公十二年。吳徵會于衛。衛欲勿往。子木謂吳方無道。必棄疾于人。至為之喻言曰。國狗之瘼。無不噬也。注以瘼為發狂。即怒犬之貌。馬耳。然則晉侯孺之生平。好剛而狂。狂者必暴死。夫孰不與其名為適肖乎。

秋七月公如晉

晉見春秋時諸侯之於霸主五年必躬朝之其非霸主而以霸主奉之者亦然然則苟稱霸主及卒諸侯得不親會其葬也哉此年夏五月晉侯獮卒秋七月公如晉其弔舍也則臨之必備無論已諸侯五月而葬先于天子兩月則晉之葬晉侯即當在秋九月公送之卒事而歸不亦即存冬十月耶馴而至冬十月初不聞公至自晉也久之盡冬之一時復踰年而為三月春又幾盡乃得以公至自晉書焉則何以故由晉人之止公耳其止公之意蓋因晉侯獮在位十九年自魯齊宋衛鄭曹及莒邾杞之小國皆先後與晉其霸業不滅於文襄時今卒凡與晉之諸侯率宜如晉會葬也惟魯尊晉而以秋七月至其他國之後至者莫知其期乃因魯屬宗國遂止公以為首倡即各使人將公命啟之其葬月惟以所啟之國君畢至為定不嫌于緩卒之亦徐徐至度晉侯卒於今年五月殆以明年二月而始

莖與然晉人。以是為大。榮而亦重念公之首倡者。不憚久于。居乃克彰此。霸主之莖制也。故莖晉侯之後月為三月。公至自晉。而繼世之晉侯。旋使卻驪。米聘亦亟。思有以報公。未始出三月焉。

冬十月

十有一年

春王三月公至自晉

晉侯使卻驪來聘己丑及卻驪盟

管見晉侯使卻驪來聘。以去年夏五月。晉侯孺卒。公於秋七月如晉。及此年三月。公乃至自晉。其來甚勤。其留甚久。其襄大事。為甚力。故報之耳。至于聘已而復以己丑及卻驪盟。則由晉侯之。因聘請盟。而使卻驪。滋而者也。其盟為

何以成之九年冬十有一月秦人白狄伐晉其怨未復十年夏五月丙午晉侯驩卒嗣君厲公立豈得忘情也哉故此十有一年既葬其先君明年為十二年其秋遂伐白狄經書晉人敗狄于交剛其秋即指白狄言耳惟秦人非白狄比晉度其不能以獨力敗之也於是十有三年秦晉侯使卻綰來乞師三月公如京師夏五月公自京師還會于侯齊侯宋公衛侯鄭伯曹伯邾人滕人伐秦經書之此即晉侯使卻綰來聘而因以請盟于公之故與聘禮記二若有故則卒聘束帛加書以將命有書則公受其書而使據書辭以為約誓之辭蓋之明神必首晉侯州蒲次魯桓黑肱而卻綰不得綴以名也治之而已說者乃謂及卻綰盟公為尊卻綰為抗殊未審也若大晉侯之謀伐秦將大合諸侯之師而得使卻綰盟魯者夫亦以公之於晉既不忘前君之好克先諸侯以會豈得不同新君之仇克先諸侯以會師乎由此推度則晉侯使聘之意與夫請盟之意並可作一串觀矣

夏季孫行父如晉

管見左傳云季文子如晉。既聘且涖盟也。按此傳簡而明。是年春三月。既書晉侯使。邲來聘。已丑。及邲。邲盟。則於夏書季孫行父如晉。不指其事。而其為如晉報聘且涖盟。亦可知矣。由是以推。邲邲之來聘且涖盟。特書晉侯使之。則季孫行父之如晉。所為報聘且涖盟者。亦必由公使之。尚何待言哉。又公及邲。邲盟。必著其盟日。曰已丑。至晉侯及季孫行父盟。不亦當有日耶。然季孫行父之報聘且涖盟。只以如晉統之。而從省。不書聘。亦不書盟。不書盟。亦不書日。並有文所不具。而事則畢包者。總以前段對微之。可也。

秋叔孫僑如如齊

管見叔孫僑如如齊。為請昏也。觀于十四年秋。如齊。送女。九月。以夫人婦姜。至自齊。皆叔孫僑如為之。使則此十一

年之秋如齊其為請昏可知但成公至此將及成人何以請昏之後猶待既問二年而乃娶夫人哉前八年冬齊人來媵九年夏晉人來媵十年夏齊人來媵所謂人者女之通稱亦女之賤稱來媵來為妾也成公以三年而納三妾可不汲汲于娶夫人且諸侯之禮其有為夫人而納采者辭曰與寡君共事社稷宗廟則魯之請昏于齊必得齊君之嫡女乃稱於時魯以為請而齊侯許齊或其女尚未及年宜姑待之故叔孫僂如之逆齊女以為魯夫人者在後之十四年而叔孫僂如之請齊女以為魯夫人者乃在今之十一年也至左傳以此如齊為聘齊聘常事耳春秋例不悉書說者乃推言傳義謂魯將改事齊而背晉焉然明年為十二年夏公會晉侯衛侯于瑣澤十三年春晉侯使卻錡來乞師三月公如京師五月公自京師遂會晉侯齊侯宋公衛侯鄭伯曹伯邾人滕人伐秦十五年三月公會晉侯衛侯鄭伯曹伯宋世子成齊國佐邾人同盟于戚何嘗頓見魯之改事齊而背晉哉

冬十月

十有二年

春周公出奔晉

管見王朝之有周公。乃周公旦之後世。食采于周。故以為氏。亦世其公。爵其前之見於傳者。若周公黑肩及周公忌父。下具論。經于僖公九年夏。書公會宰周公。齊侯宋子衛侯。伯許男曹伯于葵邱。傳舉其名曰孔。僖三十年冬。書天子使宰周公來聘。傳舉其名曰閔。所由來亦較著矣。又茲年公十二年春。書周公出奔晉。傳亦舉其名曰楚。而經獨不。宰字與前兩稱宰周公者有異。是則雖世其公。而實任三公之事。可知矣。其出奔晉之故。傳謂惡惠也。注者以為惠襄二王之族。視傳辭較顯。蓋此時為周王距惠襄止四五世族近。則當盛也。但未得確折。

其族人為誰。究亦無着。竊意前宣公十五年。為周定王之
十三年。經書王、札、子、殺、召、伯、毛、伯。傳謂卿士、王、孫、蘇、與、召、
伯、毛、伯。爭、政。遂、使、王、札、子、殺、之。夫王孫蘇與王札子。皆係
之王。殆即所為惠襄二王之族也。與其殺召伯、毛伯。至此
終十五年。度自定王崩。簡王立。王孫蘇猶為卿士。專政。王
札、子、亦、卒、為、之、黨。乃以此周公是者。其公將為虛位。無職
任。獨泰然食采于周。從此收奪其土田。以為己有。可也。于
時。或即使王、札、子。以威力逼之。其諭以意者。必若前詩稱
強。攫之。皇父卿士曰。予不戕。禮則然矣。言下固謂禮取。而
不與戕。則隨之。其可堪乎。因是而周公楚懼。其不免。即將
為召伯、毛伯之績。遂舍周而出奔晉。此後及春秋之終。凡
百年。亦絕不見有復書周公者。嗟乎。周公旦為成王元輔。
有大勲勞於天下。既封其世子于魯。有采邑在王畿內。亦
使其支子以公爵世守之。故至令有周公楚。乃一旦為
王近族之卿士所逼。周公楚出奔晉。竟使周公旦之采邑
泯沒不傳。令王微弱莫敢問。亦如前王之有殺其召伯、毛

伯者。惟是。置若罔聞而已。可勝慨哉。

夏公會晉侯衛侯于瑣澤

〔管見〕左傳稱宋華元克合晉楚之成。夏五月。晉士燮會楚公子罷許偃。癸亥。盟于宋西門之外。曰。凡晉楚無相加兵。好惡同之。云云。鄭伯如晉。曉成。會于瑣澤。成故也。劉氏故以為瑣澤之會。本以合楚鄭也。今楚鄭不至。魯衛自盟。何耶。且合晉楚者。宋也。宋亦不與。又何耶。凡晉楚為平。則應大合諸侯。以申成好。今三國會而已。又何耶。然則傳之言。未足信也。按此說。駁傳甚悉。當有所發明。以終之。蓋此成十二年夏。書公會晉侯衛侯于瑣澤。其秋。即聯書晉人敗狄于交剛。比事以觀。則知晉侯之為此會。亦欲因衛侯以謀敗狄焉耳。成九年冬。秦人白狄伐晉。晉怨秦。亦復怨狄。而其復怨之師。不能以同舉也。惟先有以敗狄。使秦不得以狄作還應之勢。然後從而伐秦。亦使晉不至以狄懷後。

顯之虞矣其必于衛侯謀之者狄在晉之東北邠亦在衛之西北邠約之夾擊狄必不支晉人之於狄三撫勝算能無敗之也哉夫衛之事晉甚謹無侵不從且狄為衛之深讐自莊公末年狄伐邢之後閔二年狄入衛衛遂遷于楚邱僖三十一年狄圍衛衛復遷于帝邱其他或侵或伐又無論已衛豈嘗有以報狄乎及茲晉人主兵以圖敗狄欲使衛侯為之助焉固當惟命是聽也至于敗狄不藉魯師而公亦來會者殆由晉侯致之以預白明年乞師伐秦之意即欲公為諸侯會師之首倡與瑣澤地名杜注闕度當在衛之境內晉侯實親至焉者將求于人必先以禮下之類如此

秋晉人敗狄于交剛

管見高氏閔曰此狄蓋白狄也九年秦人白狄伐晉此先敗狄而後伐秦是知報九年之役也按赤狄白狄自宣公

三年四年及八年始分見至十四年而晉師滅赤狄潞氏十五年復滅赤狄甲氏及留吁存者惟白狄而已則不必別之為白狄而但以狄稱無不可者交剛地闕當以晉人前後敗狄之處推之傳公三十三年秋晉人敗狄于箕杜注太原陽邑縣南有箕城今在太谷縣東南三十五里昭公元年夏晉荀吳帥師敗狄于大鹵公穀大鹵作太原杜注太原晉陽縣致太谷之距太原統一百二十里則箕與大鹵並在晉之東北鄙與狄境接亦可知交剛地闕俱意揣其近于箕與近于大鹵者當之雖不中不遠矣至若晉之敗狄諸夏之慶也而春秋亦貶而人之者為其特伐秦而先敗狄總以興兵構怨非出于攘外安內之正志云爾

冬十月

十有三年

春晉侯使卻錡來乞師

管見自成公二年夏六月。卻克敗齊師于鞏之後。十一年春三月。晉侯使卻鞏來聘。己丑。及卻鞏盟。則卻克之弟也。至此十三年春。晉侯使卻錡來乞師。則又卻克之子也。卻克。孟己前卒。子卻錡襲其爵耳。杜氏預曰。晉侯使卻錡來乞師。將伐秦也。其稱乞師者。穀梁傳曰。乞。重辭。古之人重師。故以乞言之。

三月公如京師

管見晉侯之會諸侯伐秦。以京師為之會。所其會之期在五月。而公以三月先如京師。此視卻錡之來乞師。相去曾幾日。耶。公之趨赴晉令。實足為諸侯首倡。夫亦可謂勤矣。既如京師。惡得而不朝王。然朝王為常禮。春秋之例。本不悉書。且公以會師伐秦如京師。其志不專於朝王也。則亦可以不必書者。

夏五月公自京師遂會晉侯齊侯宋公衛侯鄭伯曹伯邾人滕人伐秦

晉見諸侯非勤王報以九國之君帥其師以屯聚于京師聲言伐秦據事直書固有不待貶絕而自見者故于此夏五月書公自京師遂會晉侯齊侯宋公衛侯鄭伯曹伯皆不必削其爵獨于所會之邾滕二小國稱邾人滕人以存其例則已至晉之會師伐秦經但書伐未始以戰實之亦但書伐秦未始以伐秦至于何地指之蓋由秦師堅守不出莫能深入徒得俘掠其邊鄙以歸故爾若傳稱晉師以諸侯之師及秦師戰于麻隧秦師敗績獲秦成差及不更女父曹宣公卒于師遂濟涇及侯麗而還近晉侯于新楚玩經文皆未有合信傳者惡可泥數

曹伯廬卒于師

〔晉見〕曹伯廆卒于師，正當伐秦之時，或墮馬，或中流矢，皆不可知。若以疾，亦夏時傷于熱而暴卒也。穀梁以為閔之亦允。閔曹伯廆正所以罪晉侯，州蒲耳。國君惟死，王事今為崩令所迫，亦不殺已而至以命狗馬，彼晉侯之後曹伯廆而卒者，死于弑而以惡誣加之曰廆，不亦宜乎。

秋七月公至自伐秦

〔晉見〕公與曹伯廆皆會晉師伐秦。夏五月，曹伯廆卒于師。秋七月，公至自伐秦。比事以觀，則此公之書至亦可為大幸，不特以常例目之。

冬葬曹宣公

〔晉見〕此書葬曹宣公亦非常例也。宣與後十、八年不書葬，晉厲公對看，蓋曹伯廆卒于師，晉侯州蒲死于弑，其正變

已絕。殊曹伯廬之卒。謚宣。晉侯州蒲之死。謚厲。其美惡亦迥別。至其葬也。曹伯廬得書葬。曹宣公。晉侯州蒲。不得書葬。晉厲公。此在春秋之以筆削為褒貶者。不尤使其生前之大小強弱盡化為烏有哉。

十有四年

春王正月莒子朱卒

管見莒子之卒前未有書者。自今莒子朱始。揆厥所由。蓋以成七年秋公會晉侯齊侯宋公衛侯曹伯莒子邾子敫鄭八月同盟于馬陵。成九年春公會晉侯齊侯宋公衛侯鄭伯曹伯莒子杞伯同盟于蒲。此在晉景公孺時也。景公以莒子從魯齊宋衛鄭曹之後。而又使與邾子並先于杞伯。則中國諸侯莫能外之。且有讓之者矣。成十年夏晉侯孺卒。厲公州蒲立。厲公四年。當成之十四年。其正月莒子朱卒。以同盟故。得赴于晉。以及諸侯也。所赴者當使人取

況於魯、尤鄰近亦嘗有舊姻乎。此以知莒子朱卒魯世國必有其文矣。而春秋特存之者。非但慮同盟之存沒。陋絕情禮不交已也。就莒論之。莒子朱上承莒紀公。文之十八年十月莒弑其君庶其。即莒紀公是已。弑君不得書。卒莒子朱下傳。卒比公。襄之三十二年十一月。莒人弑其君。家州。即卒比公是已。弑君亦不得書。卒然則莒子朱介乎其間。在位凡三十二年。獨得保其爵領。以沒。使春秋書曰。莒子朱卒。豈非大幸也哉。

夏衛孫林父自晉歸丁衛

管見左傳曰。春。衛侯如晉。晉侯彊見孫林父焉。衛侯不可。夏。衛侯既歸。晉侯使卻犇送孫林父。而見之。衛侯欲辭。夫人定姜曰。不可。是先君宗卿之嗣也。大國又以為請。不許。將亡。雖惡之。不猶愈于亡乎。君其忍之。安民而宥宗卿。不可乎。衛侯見而復之。孫氏復曰。林父以成七年奔晉。其言自晉歸于衛者。由晉侯而得歸也。許氏翰曰。歸易辭也。

自晉奉之故也。趙氏鵬飛曰：林父脅晉以得入，知衛侯畏晉而不敢治已，則肆惡于衛者，庸何忌哉？故其後卒至于叛，所以叛衛者，林父也，而致林父之叛者，晉也。晉侯之罪，當加于林父一等。按傳說互相發明，其義盡矣。

秋叔孫僑如如齊逆女

〔管見〕前宣公元年正月，公子遂如齊逆女。三月，遂以夫人婦姜至自齊。家氏鉉翁曰：夫人，豈大夫所得以哉？書以者，著其罪也。及此成十四年秋，叔孫僑如如齊逆女，九月，僑如以夫人婦姜氏至自齊。書法同前，則其目一而已。字義能左、右之，曰：以夫人之尊，與君敵，而其由大夫逆之而至者，乃謂之以，則直若使之相從于提挈，扶持而靡不聽命焉。此於齊女無譏，而魯大夫之情強橫而不克體，大昏故愼重正之意。公子遂而後，又有是叔孫僑如之當著其罪者。

鄭公子喜帥師伐許

管見此年秋。鄭公子喜帥師伐許。鄭伯將命之。猶是前鄭伯堅及鄭伯費之志也。必將滅許而後已焉。明年冬十一月。許遷于京。則其端矣。公子喜字子罕。其後有罕氏。前成之三年。當鄭伯堅之十七年。使公子去疾帥師伐許。去疾字子良。其後有良氏。鄭穆之七族。此其二也。至左傳敘伐許之事云。八月。鄭子罕伐許。敗焉。戊戌。鄭伯復伐許。庚子。入其郛。許人平以叔申之封。據此。則公子喜先佯敗。以示弱。使許不加警備。鄭伯旋自將銳師以伐之。故自戊戌及庚子。纔三日。遂入其郛。是鄭用兵之詭道耳。叔申之封。注謂成四年。鄭公孫申帥師。虜許田。許人敗之。故不逃焉。今許以公孫申之所虜田求和于鄭。亦據傳為辭。從之正。可以為許之遷。葉作引子也。

九月僑如以夫人婦姜氏至自齊

〔管見〕婦者有姑之稱。前宣公元年。書三月。遂以夫人婦姜。至自齊。省氏字。則姜即其氏。非闕也。此成公十四年。書九月。僞如以夫人婦姜氏至自齊。不省氏字。則氏繫于姜。亦非贅也。

冬十月庚寅衛侯臧卒

〔管見〕此年夏。衛孫林父自晉歸于衛。冬十月。庚寅。衛侯臧卒。其後太子衎立。十八年而外出奔。輒改立其從弟公孫剋。亦經十二年乃遇弑。此間。肆為僞。遂以成其篡代。皆由孫林父為之。則前書其自晉歸于衛者。正為衛侯臧之卒。後六十年。總挈其亂本也。

秦伯卒

〔管見〕此秦伯榮也。其名非無徵。謂史失之者。非也。被惟天正崩。赴于諸侯。不稱名。秦自康公。與楚莊王旅。共滅麇。

遂通好無間。楚僭王號。當宣公十八年。楚莊王旅卒赴。丁
蔡必用王禮。而不稱名。及茲成十四年。秦伯榮卒。或依楚
之赴不稱名者。以赴楚而即。因以赴于諸侯。則獨稱秦伯
卒而已。故魯史如其所赴書之。而春秋亦仍之。欲以見秦
之結楚。雖未嘗與楚俱僭王號。而其因君之卒以赴于
諸侯。亦有效尤於楚。以僭王禮者。蓋如此。

十有五年

春王二月葬衛定公

〔管見〕諸侯既薨稱謚。亦所以諱其名也。而於卒必稱名。及
與天王崩之不書名者。有別。昔隱公三年。書夏四月辛丑
尹氏卒。不稱名。是內諸侯之僭也。故前書三月庚戌天王
崩。後書八月庚辰宋公和卒。以正之。至是年冬十有二月
癸未。乃書薨宋穆公。以諱其名。豈嘗同于天王崩之絕不
名哉。今成公十四年冬十月。書秦伯卒。亦不稱名。是又外。

諸侯之脩也。故先于是月書庚寅。衛侯遫卒。後乃得於十五年春二月。書葬衛定公以正之。至於入春秋以來。凡書天王崩者。皆絕不名。豈嘗同於諸侯之及。葬舉諡而乃諱其名哉。

三月乙巳仲嬰齊卒

管見孫氏覺曰。嬰齊。公子遂之子。而歸父之弟也。公孫歸父奔齊而仲遂之後遂絕魯。不欲絕仲遂之後。使嬰齊後之。故曰仲嬰齊也。家氏鉉翁曰。公羊謂之仲嬰齊。為兄後也。弟無後。兄之理。以後襄仲。爾按二說為得正旨。或猶以經文前書公孫嬰齊。此改書仲嬰齊。其所由不同者。未能決。亦當辨之。按宣公八年。書仲遂卒於垂。仲乃其氏。非字也。魯之三桓。公子慶父為仲氏。故亦號仲慶父。其子則公孫敖是矣。文七年傳。公孫敖娶於莒。曰戴己。卒。又聘於莒。莒人以有娣聲己存。辭之。則稱為襄仲聘焉。林註。襄仲即公子遂。乃公孫敖之從父昆弟。則屬於慶父之仲氏。以稱。

仲遂已也。或謂遂本生而賜氏為仲何所據哉。惟遂之稱公子則由僖公引而親之為同母弟欲借以昭寵異故然其實非公子也是後歷事三君春秋書公子遂者凡十七見及宣之八年卒於垂乃抑之使歸於仲氏曰仲遂更不得冒稱公子以繫於公所以正名焉爾前仲遂冒稱公子其子歸父及嬰齊亦冒稱公孫也歸父去魯奔齊不為論嬰齊猶為魯大夫卒於魯則亦當有以正其名矣故前書公孫嬰齊以見遂之得列為公子者其公孫之相沿襲視若故常今特改書仲嬰齊則著遂之當黜其公子者其公孫之從削奪統為一例也。

癸丑公會晉侯衛侯鄭伯曹伯宋世子成
齊國佐邾人同盟于戚
晉侯執曹伯歸于京師

晉見成十年。晉侯驕卒。厲公州蒲立。十二年。晉會諸侯伐秦。曹伯廬卒於師。傳稱曹人使公子負芻守。使公子欣時迎曹伯之喪。秋。負芻殺其太子而自立。諸侯請討之。晉人以其役之勞。請俟他年。值此十五年春三月。經書癸丑。公會晉侯。衛侯。鄭伯。曹伯。宋世子成。齊國佐。邾人。同盟於戚。晉侯執曹伯歸於京師。此即所以討曹伯負芻也。然豈討之正哉。晉侯以同盟於戚會諸侯。而召曹伯與焉。在曹伯自度。以為殺太子而自立。於今三年。固居然。曹伯矣。絕不聞晉侯興問罪之師。而特以同盟於戚會諸侯。是殆以其新立。纔五年。欲尋前晉侯驕之同盟於清邱。與其同盟於馬陵。及蒲耳。庸有討於曹乎。凡諸侯有篡弑之罪。侯伯已與之會。則不復討。是晉之微會於曹。而曹伯有必從者。故春秋書公會晉侯。衛侯。鄭伯。而即以曹伯參之。既若曹伯本為無罪者。然其下聯書宋世子成。齊國佐。殿以邾人而使曹伯。皆得先之。又若曹伯之位。為已定者。然以是而同盟於戚。曹伯不知晉侯之將執之以歸於京師也。俄而盟

訖。晉侯乃數曹伯殺其太子而自立之罪。命執之。即命歸于京師。此無事起兵。勃衆而曹伯忽已討矣。其為詞。故狐非討之正。亦使會盟之結信修好。皆從此大壞。可無恥與。而說者不跟同盟于戚立。斷遂謂執既當罪。又歸京師。得侯伯討罪之義。故書簡以表其善。殆未必然。蓋不人晉侯者。為其據事直書。而貶義自見耳。且上文獨于邾子稱邾人存。貶例也。其同盟于戚之公侯伯。及世子上卿。即當與邾子並人之矣。何待一一悉加貶哉。以此知先盟後執。晉侯兩見並作。晉人觀之可也。或疑晉侯執曹伯不歸于晉。而歸于京師。究有是處。此亦於當日情事未審。明年秋。曹伯歸自京師。余氏光曰。是時周王擁虛器而已。生殺予奪。不能專主。觀曹人一則請于晉。再則請于晉。未聞遣一介于周。至晉侯許之。子臧反。曹伯來歸。則操縱之權。盡歸于晉。特寄囚于京師。假周之名而已。按此說確不可易。又按同盟于戚。杜注。戚。衛邑在頓邱衛縣西。今直隸大名府開州北。有古戚城。蓋晉侯欲執曹伯。而以同盟誘之。出至

成則曹伯不得倚其國為臧身之固矣至同盟之八國汪氏克寬曰三月宋世子成會盟六月宋公卒蓋宋公有疾而世子出會也據此推之齊侯之不至亦必托疾以辭他無可藉口者然齊以上卿國佐來晉侯猶尊重之而以先於邾子君臣之辨至嚴大國之卿其可以居小國之君之上乎是亦霸令之創見者前未嘗有

公至自會

管見公之出會以為同盟于戚馬耳及其至自會而晉侯已執曹伯歸于京師其事不必舉以告廟亦當有言之于朝而歟色者

夏六月宋公固卒

管見此年三月書公至自會則宋世子成亦當至自會矣六月宋公固卒世子成立是為宋平公按宋公固立七年

當魯成之九年春二月而後伯姬歸于宋及茲成十五年
之夏六月未三七年雖有子為世子豈能出會諸侯以同
盟于戚哉蓋宋公固未娶伯姬為夫人前已御妾生子有
長者名成有伯姬歸宋賢而慮遠不必世子之自巳出而
先啟宋公以庶長子成為世子即擬以已子下之也值此
年夏六月宋公固卒秋八月薨宋共公既薨傳謂是時華
元為右師魚石為左師其司馬蕩澤名山弱公室殺公子
肥華元遂出奔晉究之公子肥何礙于世子成而山必殺
之華元又何迫于山之殺公子肥而必出奔晉其故皆未
嘗顯白也及觀史記宋世家則稱司馬唐山攻殺太子肥
欲殺華元華元奔晉此為得其情矣宋之桓族有蕩氏以
蕩作唐傳聞異辭耳傳稱公子肥以其讓所立庶長之世
子成也由伯姬之命故然而其實本為太子蓋即宋公之
夫人伯姬所出者史記豈有誣哉既立世子成而猶有公
子肥者以嫡出為太子得不嫌于偏乎蕩山之即殺之特
欲為宋公成早除其偏以求寵焉爾其使之殺者則左師

魚石忌華元為右師。且以公子肥出自伯姬。成四年。宋公使華元來聘。七年。宋公又使華元來聘。並為請昏于魯也。以是伯姬歸于宋。生太子肥。雖在稚齒。華元利于輔幼主。足。以專政。必將翼戴太子肥而易宋公。成已定之位也。此所由以攻殺太子肥。而即欲並殺華元也。與華元知之。以為宋之桓族最盛。蕩山殺太子罪當誅。其主謀之左師魚石。不暇窮詰。即逐之可矣。他若向為人為大司寇。鱗朱為少司寇。向帶為太宰。魚府為少宰。皆其黨與。使之畏罪。遁亡。則已。然非藉晉之力。不能得。其一旦廓清。故華元出奔晉。

楚子伐鄭

管見書楚子者。著其自將也。其伐鄭之故。以鄭之來于晉。亦兼以許父事楚而鄭伐之耳。計晉侯州蒲。以成公十年立。及十三年夏。晉會諸侯伐秦。鄭伯與焉。十四年秋。鄭公子喜帥師伐許。許怨之。未能報也。今十五年春。晉復會諸

侯同盟于成。曹伯歸于京師。鄭伯亦與焉。許始怠。來此間。而以鄭之伐許。訴于楚。即舉鄭之從晉伐秦及鄭之與晉同盟而執曹伯者。以激怒楚。此楚子之所由以伐鄭與。然楚之伐鄭。前維以公子嬰齊帥師。鄭猶不敢抗而堅守。以靖成。况楚子之自將乎。惟是數討而亦數服。楚卒不能滅鄭。亦聊借名。弱主之威。而討之。服則舍之以還師耳。其如鄭何哉。楚師還而鄭人之謀偏許者。乃益亟矣。許之遷於葉。惡得已焉。

秋八月庚辰葬宋共公

管見宋共公三月而薨。何其速也。由宋之桓族為諸卿者。獨盛。陰謀攻殺太子肥。而並殺右師華元。懼日久。而弒泄。乃志於速薨耳。將速薨。何以為辭。按夏六月。宋公固卒。是月。楚子伐鄭。鄭宋壤接。而共公未薨。楚或乘宋之有喪而伐之也。前宋文公他。與衛穆公速。同月卒。皆未薨。楚師鄭師侵衛。是主兵初不因衛之有喪而加恤。即今惡於鄭而。

自將伐之。之楚子審也。當時宋以平楚未久而得免。及茲共公卒。未葬。去前之宋及楚平。凡十九年矣。何以平盟也。其平由楚子旅。經四年。而楚子審繼之。在初之一二年。猶當念先君之以盟平者。未敢倍棄。久之至十五年。尚得恃其盟辭之稱我無爾詐。爾無我虞也。或送死大事也。戎亦國之大事。一時不可兼營。將圖有以備楚。則葬宜速矣。彼桓族之懷亂謀而未發者。其主速葬之議益如此。亦未可厚非也。宋皆從之。因是而秋八月庚辰葬宋共公。

宋華元出奔晉宋華元自晉歸于宋宋殺其大夫山宋魚石出奔楚

管見家氏鉉翁曰。蕩山殺公子肥。弱公室也。華元起而討之。以其族大。不假霸國之援。事弗獲濟。故自晉而歸。山乃即刑。春秋去山族。與以討亂。然不與元以逐桓族。以其挾晉力。盡去異己。不純為國也。按此說。已得大旨。但因而申

之可無事也求矣。蓋華元久為右師，專宋政，其於國之族大寵多者，懼其以強生亂，早私結於晉，卿以作外援。及茲宋蕩山攻殺太子肥，即欲並殺華元。華元出奔晉，頃重結晉字，乃知其出奔之故。有所恃於晉，以急圖討亂也。豈憚而逃死哉？此年秋八月，莖宋共公、華元以是月出奔晉，亦不出月而華元自晉歸於宋，何其速也。斯又當重詰自晉二字自由也。著其出奔晉而旋歸於宋者，由晉藉之力也。計爾時之晉卿，卻氏為盛，故卻錡、卻擊、卻至稱三卻。此必華元之先所私結者。及出奔於晉，土卻氏、卻氏因之大出其家之藏，甲與為徒衛，於是華元自晉歸於宋，而宋殺其大夫山、宋魚石出奔楚也。此二句聯用宋字，皆隱含一晉字，在內與上文二句兩晉字相通。不然，先出奔晉而後歸於宋，所非一字元而已。大夫山何以遂殺魚石，何以遂出奔楚哉？蕩山殺而削其氏，討其殺公子肥之罪也。公子肥為夫人伯如所出，本為太子蕩山殺之，而春秋不書殺其世子肥者，自伯姬歸於宋，宋公固益常有疾，伯姬處

之乃啟宋公以庶長子成為世子不必自己出也後有子則降稱公子以下之今世子成立而蕩山殺公子肥若但書公子則於蕩山實殺其世子之罪不著若改書世子則又於伯姬先立庶子成為世子之賢將不傳故只書宋殺其大夫山而山之為殺公子殺世子可毋庸深辨也至於魚石為左師忌右師華元之將改立公子肥而特為新立之宋公成先除其偏乃使山殺公子肥亦將並殺華元是魚石為主謀矣山既殺而魚石可無殺乎其得出奔楚者殆華元欲盡逐桓族而先縱魚石以導其先路與山削族而魚石削爵互見耳山為大夫魚石亦大夫也蕩為公族魚亦為公族也山削氏而魚石之當削氏可知魚石削爵而山之當削爵並可知矣他若傳稱向為人鱗朱向帶魚府皆與魚石同出奔楚特恐宋因魚石脫走即將窮治其黨與也乃相率鼠竄馬爾不足壽

冬十有一月叔孫僑如會晉士燮齊高無

咎宋華元衛孫林父鄭公子鮒邾人會吳于鍾離

管見史記吳自壽夢立而吳始益大稱王壽夢二年楚之亡大夫申公巫臣怨楚將子反而奔晉自晉使吳教吳用兵乘車令其子為吳行人吳於是始通於中國按此成公十五年吳壽夢之十年也其冬十有一月叔孫僂如會晉士燮齊高無咎宋華元衛孫林父鄭公子鮒邾人會吳於鍾離是特吳之志耳吳不通於中國雖僂王號未足以成其大也然以吳自度豈能屈晉侯及諸侯之來會哉又豈敢遽出吳境自往會於晉侯及諸侯哉以是請於晉侯使命其國卿亦並命諸侯之卿皆來會吳於鍾離則他日吳子之往會晉侯即得同會諸侯者此其緣矣吳欲得諸侯必倚晉為主晉欲抑強楚亦將藉吳為助且其所請者獨以卿會而不勤君可許也是故晉以士燮行其齊之高無

咎。宋之華元。衛之孫林父。鄭之公子魋。亦皆行其行。必經魯。而叔孫僑如得先會之。既行。將過邾。而邾亦以大夫從之行。皆晉先君所嘗同盟于斷道及蒧牟馬陵者。此前二年。又以師會。今晉侯同伐秦焉。則其使之與魯齊宋衛鄭以隨逐會吳。亦莫非晉令也。惟邾之大夫微甚。不得以名見。則但目為邾人而已。由是而會吳于鍾離。吳子詎不以得通中國而吳之勢將益大乎。然就春秋舊法諦審之。上用一會字。下再用一會字。則有貶意存焉。蓋會吳于鍾離。會吳子也。吳雖夷蠻。然自太伯以來。十九世君吳。當壽夢時。遂以彊僭王號。其為妄自尊大至矣。及是而為會于鍾離。吳子先至。其來會者。猶夫先之叔孫僑如。會晉士燮齊高無咎宋華元衛孫林父鄭公子魋。猶是國卿也。而亦卒會邾大夫之微不足數。而稱邾人者。當其相率會吳而邾人處其末。吳子與為會。即與為伍。則尤為幸。此會之有邾人。正足

以抗衡為此會之吳王矣其因事示賂之法不亦深切著明也哉鍾離杜注楚邑淮南縣晉成帝置鍾離郡唐置鍾離縣明改為臨淮縣又析臨淮地置鳳陽縣今仍之屬江南鳳陽府按成公七年秋吳入州來州來為淮南下蔡縣今壽州北三十里有蔡國城亦屬江南鳳陽府州來在鍾離之西南吳入州來則鍾離之在州來東北者當為吳之北境非楚邑也

許遷于葉

〔管見〕左傳許靈公偪于鄭請遷于楚辛丑是公子申遷許于葉按葉為楚邑在今南陽之葉縣乃楚所謂方城外之蔽也許雖請遷于楚而楚必聽其遷乎蓋爾時鄭數伐許許懼為鄭所并乃盡籍其土地戶口以入于楚使楚得有許則鄭無所觀視矣其許之西南界約去許百數十里有楚邑以葉綱馬前不聞有鄭師犯楚境者許苟得有葉以

言其有今
全宗社。長子孫雖去其國。不猶愈于亡乎。因是而請以許。
易葉。即欲得自許而遷葉耳。許雖小國也。楚何惜于葉之
一邑而不以許遷哉。其借許以力而使公子申
遷之。且由是以往而強許。歸而授葉。固有然者。

十有六年

春王正月雨木冰

管見雪積于木。或當因陰沍寒而木有冰者。此於東風祥
凍之春正月而雨。初非若雪之能積而木之受雨。不流注
而凝結。乃羣說為
木冰。豈不異哉。

夏四月辛未滕子卒

管見據世次圖。此滕子為文公壽。其名與謚亦可考。此前
成公十三年公會晉侯齊侯宋公衛侯鄭伯曹伯邾人滕

人伐秦。滕人，即滕子也。以是十六年之夏四月辛未卒，則於所嘗會師伐秦之國，皆得赴焉。豈嘗無名哉？而在秋閏之者，則以滕自文公葬以後，若成公原、悼公寧、頃公結、隱公處母始卒，並書此時文公葬卒，凡所赴之國，猶是使人弔而不會其葬也。不會葬，則不得書葬。滕文公而文之，諡隱矣。諡所以諱其名也。無諡，名何以諱？故春秋之於諸侯，死則名之，而有莫由舉其諡者，則又死而不名，亦因以為諱而存諡之意焉。爾詳見前隱公七年，書滕侯卒，宣公九年，書滕子卒。

鄭公子喜帥師侵宋

管見高氏闕曰：鄭自是附楚為楚，加兵於宋，故書侵。按去年夏，楚子自將伐鄭，鄭復附楚，則楚之有事於宋，而鄭為之役，使公子喜帥師侵之，勢固然矣。至於楚之使鄭侵宋，則以宋鄭當天，下諸侯之衝，楚既服鄭，必思並服宋也。適

值去年楚子伐鄭之夏。及秋八月。而宋殺其大夫山。宋魚石出奔楚。魚石與宋華元為讐敵。楚欲納魚石而去華元。使魚石獨相宋公。以與鄭俱事楚。乃先於今年夏四月。使鄭侵宋。楚子徐謀與鄭伯會師伐之。俄而晉侯以六月敗楚子鄭師於鄢陵。楚未能逞。明年春。衛侵鄭。夏。晉伐鄭。秋。晉復伐鄭。鄭亦不得寧。又明年。而晉弑其君州蒲。在春正月。夏。楚子鄭伯伐宋。宋魚石復入於彭城。是則既納魚石於宋矣。從可知今年楚子命鄭。鄭公子喜帥師侵宋。其本志即為欲納宋魚石而出於此者與。

六月丙寅朔日有食之

晉侯使欒黶來乞師

管見據下會於沙隨。有齊侯衛侯宋華元鄭人則晉侯之使欒黶來乞師者。其外如待稱加尊。亦皆如齊蓋必有

之。又侍稱。縹。縹。來乞師。孟獻子曰。有勝矣。注謂。半。讓。有。位。故。知。其。將。勝。楚。由。是。以。推。則。宋。之。僭。於。魯。以。及。鄰。之。小。於。魯。者。皆。必。有。使。以。乞。師。可。知。矣。其。乞。師。惟。不。及。曹。殆。以。曹。伯。猶。未。歸。自。京。師。焉。爾。

甲午晦晉侯及楚子鄭伯戰于鄢陵楚子鄭師敗績

〔管見〕凡兵家以晦日為忌。豈楚子鄭伯並未之前聞哉。此年夏六月。書甲午晦。晉侯及楚子鄭伯戰于鄢陵。及猶汲汲。此晉侯之志耳。其意竊料楚子鄭伯皆徂於晦為兵家忌日。戰不利。敵與已皆莫敢犯。軍心安。其懈可乘。乃破常忌。而用變法。起晉師。不煩諸侯。獨以身先士卒。直趨楚子鄭伯而急擊之。亦軍法所為。攻其無備也。因是而楚子鄭師敗績。上言楚子鄭伯。此復變文。言楚子鄭師者。傳謂晉呂錡射楚子中其目。楚子必奔。於時鄭伯未奔。而鄭師已。

言春秋左傳卷之二十一
因楚子而假奔矣。鄭師奔尚。何問楚師哉。故卒書楚子鄭師敗績。欲以著其敗績之由。楚子云爾。

楚殺其大夫公子側

〔管見〕楚子于鄢陵之戰。矢集其日。重傷也。其勢必於甲午晦。即宵遁矣。時公子側為司馬。王傷師敗。不死。何俟乎。王宵遁而公子側亦旋以其夕自殺。故春秋書楚子鄭師敗績。即聯書楚殺其大夫公子側也。不然。此日為甲午晦。則日即為乙未朔。兩日之間。夏秋異時。何為不書秋七月以別之哉。至公子側之自殺也。而春秋又必書楚殺其大夫者。禮記君子曰。謀人之軍師。敗則死之。是公子側以收績自殺。於義為宜。固可以不書矣。惟此鄢陵之戰。本由楚子自將。輕敵冒險。或射中其目。遂奔而師亦從之。故敗績也。夫豈公子側之罪乎。非其罪而公子側不免自殺。因是而書楚殺其大夫。公子側以罪楚子也。與。

秋公會晉侯齊侯衛侯宋華元邾人于沙
隨不見公

晉見沙隨杜注宋地梁國寧陵縣北有沙隨亭今沙隨城在寧陵縣西六里屬河南歸德府左傳曰會於沙隨謀伐鄭也是矣鄭陵之戰楚雖挫衄鄭何嘗懼而背楚以與晉哉然自是伐鄭楚必不能救故當鄭陵克捷而即會于沙隨以謀之也觀下書公會尹子晉侯齊國佐邾人伐鄭即其徵已此方會於沙隨其所會者皆晉侯之以六月乞師而諸侯即於是月各以其師至焉者也如齊侯衛侯則自將以來宋亂新定君守國而以其卿華元來邾人微不得以名見知亦其大夫來矣此四國之師並以六月甲午晦之前相繼至晉侯皆見之而不獲與于鄭陵之戰則何以既蓋晉侯擬於甲午乘敵所不虞恐諸侯慮其不違晦以犯天忌故不煩諸侯而獨用晉師耳惟公之師以甲午晦

之戰日始至。晉侯得勝而驕，遂怒其輕視，樂廩乞師之勤而還，廷不進，尚何賴焉？於是將去耶陵及宋，欲合諸侯以定伐鄭之謀。公會晉侯、齊侯、衛侯、宋華元、邾人於沙隨，思見晉侯而晉侯乃不見公也。計先晉侯之使樂廩來乞師，在六月丙寅朔，日有食之之時。距今甲午晦，綿二十、九日，為之繕甲兵，具卒乘，供其資糧，靡廋督之，就道亦復其或遑處矣。而猶謂其緩不逮事焉。試思甲午晦之決戰，豈為行軍之常法哉？且同時有齊、衛、宋、邾之早集，亦未始有以用之。有何亟待於魯者耶？然則晉侯之怒不見公，其汰侈為已甚矣。

公至自會

管見會於沙隨，晉侯不見公，豈嘗與於會哉？而審公至自會者，據公之志於會以為辭焉爾。

公會尹子晉侯齊國佐邾人伐鄭

晉見尸子。周世卿也。晉侯援以伐鄭。亦欲因之假王命以伸其威耳。然伐鄭之舉。先謀於沙隨。其時有齊侯衛侯宋華元邾人必皆令其以師會矣。及茲伐鄭而齊侯不至。獨使其卿國佐至焉。衛則君與卿皆無至者。宋卿華元嘗至矣。而今亦未始以至。聞則惟邾人為邾大夫與齊卿國佐相繼而至已也。晉之令何以不行。乃爾殆由晉侯以鄆陵之敗。楚子鄭師敗之於甲午晦。獨用變法而立奇功。不煩諸侯之師。其誇張太過。又鄭猶未服。會於沙隨以謀伐之。其怒不見公之情狀。見者皆銜憤不能平也。故晉之會師伐鄭。以王臣尹子臨之。其首為齊國佐。非國君比也。而卒之以邾人又大夫之微者矣。晉侯之威靈氣餒。將安所憑藉哉。由是而尹子晉侯齊國佐邾人伐鄭亦謂伐之云爾。沙隨先之戰於鄆陵。書楚子鄭師敗績者。言楚子傷目而奔。則鄭師因以同奔。故敗績也。今欲再求鄭師之敗績。惡可得乎。至若公之會之非以師會伐鄭也。沙隨之會。晉侯不見公。固未嘗有命以會師矣。惟因晉侯伐鄭。公欲趨就於

鄭以卒見晉侯借紆沙隨怒不見公之疑畏此其會之之意也夫於伐鄭之事不與焉

曹伯歸自京師

晉見去年春三月同盟於戚晉侯執曹伯歸於京師今年秋晉侯伐鄭而曹伯歸自京師則何以得歸耶蓋由沙隨之會晉侯令諸侯以師會伐鄭其及期而至者惟是齊一卿鄭一大夫而已卒之伐鄭無功晉侯怒諸侯亦將畔矣於時公以會晉侯於沙隨晉侯不見公乃復因晉侯之伐鄭從以季孫行父而往會之晉侯仍不見公在晉侯之意以王臣尹子同在我行欲假王命以伸威於公先假王命以市德於曹伯故使釋曹伯於京師而曹伯乃歸自京師也歸於京師歸自京師兩歸字合看則晉侯之於曹伯惟所置之而其專橫亦大著矣

九月晉人執季孫行父舍之乎莒丘

晉見此條。惟公羊傳獨得經旨。其辭曰。執者不舍。而舍公。所也。執者致。而不致。公在也。注言昭公二十三年。晉人執我行人叔孫婼。不言舍。今言舍者。以公在。莒邱故也。昭二十四年。言婼至。自晉。今不言行父至。自晉者。亦以公在。莒邱故也。行父舍於莒邱。還國則與公俱還。不得致。重在公也。據此。則是年九月。但書晉人執季孫行父。舍之於莒邱。諱公之被執也。觀下書十有二月乙丑。季孫行父及晉。郕犂盟於扈。乃書公至。自會。則公及季孫行父。先皆為晉人所執。舍之於莒邱。亦可知矣。蓋公由沙隨之會。晉侯不見公。乃於晉侯伐鄭。復往會之。從以季孫行父。晉侯之伐鄭。未得志。怒諸侯。不如沙隨之約。復思前郕陵之役。公獨緩不及事。而益怒之。因欲借公以威諸侯。輒命執公。及季孫行父。以歸。而舍之於莒邱。馬周。莒邱屬晉地。蓋有旅館在焉。以此舍之。而加守衛。為度其處。彼晉之遠近。郊與其都。城東偏之。衝道相直者。是也。

冬十月乙亥叔孫僑如出奔齊

〔管見〕觀下書十有二月乙丑季孫行父及晉祁犁盟於危。公至自會。乙酉刺公子偃。則可知晉人執公及季孫行父舍之於莒邱。魯之叔孫僑如輒議立公子偃以代公。即擬自相公子偃以代季孫行父耳。於時仲孫蔑守於公宮。知其謀而逐叔孫僑如。故叔孫僑如出奔齊。仲孫蔑又使公孫嬰齊如晉。因卻犁以請盟。晉許之而歸公。既至遂刺公子偃。云計前公之九年晉人執祁伯。晉欒書帥師伐鄭。鄭公孫申諄之曰。我出師以圍許。為將改立君者。晉必歸君。鄭公子班聞叔申之謀。立公子緡。欒武子曰。鄭人立君。我執一人焉。何益。不如伐鄭而歸其君。以求成焉。政十年五月。公會晉侯宋公衛侯曹伯伐鄭。歸鄭伯也。據此參看。鄭之謀歸其執君而改立君在魯之叔孫僑如亦此志矣。但鄭為已立公子緡。魯猶未至遂立公子偃。是小異焉。晉因鄭之改立而歸其所執之君。則晉之執公子會而復歸。

之亦此志矣。但鄭不服晉，則其歸鄭伯者，必伐鄭。晉本居於晉，而其復歸公者，惟事盟魯而已。是又小異焉。他若鄭公子班出奔許，魯叔孫僂如出奔齊，鄭伯歸而殺公子繻，公歸而刺公子偃，究之靡不見為大同者。

十有二月乙丑季孫行父及晉卻曄盟于扈

〔管見〕是時之晉卿，卻氏為盛。公之十一年，晉侯初立，嘗使卻曄來聘，且請盟。己丑，及卻曄盟。則此十六年九月，晉侯執公，並季孫行父，會之於莒邱，則魯卿之居者，將求瓜分於晉，其必因卻曄可也。美晉侯許之，既釋公，亦釋季孫行父，乃不盟於莒邱，而盟於扈者，何哉？扈，杜注：鄭地，滎陽縣西北有扈亭。今在河南開封府原武縣西北。攷前文七年秋公會諸侯，晉大夫並於扈。十七年諸侯會於扈，皆主晉，則扈雖鄭地，而晉之會盟諸侯，將以扈為常所矣。因是以

推此年之盟於扈。殆欲以秋之歸曹伯及茲冬十二月之歸公並昭聞於諸侯以示德與至其書季孫行父及晉卻犇盟於扈。非謂二臣之私為盟而於公與晉侯皆無與也。蓋魯之請盟有辭矣。晉之許盟亦有辭矣。以此為載書而詔之明神。不必公之親盟晉侯亦不必公之親與晉臣。卻犇盟也。以季孫行父及卻犇蒞之而已。十一年之及卻犇盟。盟共伐秦也。此十六年之盟於扈。猶是卻犇耳。雖尋前盟而其盟之意別有為焉。則主於同伐鄭者是矣。如明年夏公會尹子單子晉侯齊侯宋公衛侯曹伯邾人伐鄭。秋晉侯使荀息來乞師。冬公會單子晉侯宋公衛侯曹伯齊人邾人伐鄭。非其徵乎。

公至自會

〔管見〕是年秋公會尹子晉侯齊國佐邾人伐鄭。非會師也。徒欲見晉侯耳。而晉侯卒不見公。其時實以九月執公以

歸。告之於莒。邱亦並及季孫行父也。而春秋書其葬而舍之者。但言季孫行父。而不言公。特以為諱而已。及是冬十有二月。齊侯許魯之請盟而歸公。季孫行父及晉卻缺盟於扈。公之歸。實歸自莒。邱矣。而春秋不據今之歸自莒。邱而書至。乃於公之先會晉侯於伐鄭者。書曰。公至自會。夫孰非以為諱哉。

乙酉刺公子偃

管見叔孫僑如黨于公之庶弟公子偃。乃乘晉人執公。而議改立公子偃為君。此亂謀也。公歸而治之。叔孫僑如已於公未至之前出奔齊矣。而公子偃猶在魯。乃以其罪當死。即於公至自會之月。及乙酉刺之。刺者不加顯戮。而刑於隱焉爾。

十有七年

春衛北宮括帥師侵宋

〔管見〕去年秋。晉侯伐鄭。其會師者。惟齊國佐及邾人而已。沙隨之會。衛侯與齊侯俱至。宋亦使華元來。及伐鄭而皆不以師會。晉侯無功而還。必謂衛之事晉。視宋為久。而謹無後不從。至此豈將背晉哉。其使人奉辭責問者。必嚴。是時衛孫林父專政。稔知晉侯之於鄭。終不能忘情也。必旋謀大舉伐之。乃先於此年春。使北宮括帥師侵鄭。欲以逢晉侯之意。而求自解焉。爾。

夏公會尹子單子晉侯齊侯宋公衛侯曹伯邾人伐鄭

〔管見〕杜氏預曰。晉未能服鄭。故假天子之威。周使二卿會之。又云尹子。王卿士。子爵。汪氏克寬曰。成王少子孫食已。

於單。至單襄公世為王卿士。按古者出師必載遷廟之主，並社主，以行，用命賞於祖，不用命戮於社，示有尊也。禮記曾子問曰：古者師行，無遷主，則何主？孔子曰：主命。天子諸侯將出，必以幣帛皮圭，告於祖祠，遂奉以出，載於齊車，以行。每舍，奠焉，而后就舍。是謂主命。據此推之，廟主可以主命，社主獨不可以主命乎？廟社神也，得以幣帛皮圭為之代。若王命之出自王，則實有王臣出納王命為之喉舌。若是誠足以代之矣。從可知晉侯伐鄭，而以尹子單子同歷行間，殆謂其賞罰皆有所寄焉爾。此其假權橫恣，復何以加哉？由是而會師伐鄭，在公之至自會者無幾時，既為莫或遑處，彼若齊侯宋公亦各整旅自將，其係前此伐鄭之齊國佐與夫會沙隨之宋華元未審其從君與否。雖上卿而不得以名見也。至衛之謹於事晉者久，徒以去年秋之晉侯伐鄭未得會師，此其一踈耳。亦旋謀及此年春，使北宮括帥師侵鄭，以弭釁焉。則茲夏之奉命趨事，其親以師行而惟恐或後必矣。若曹伯之先被執而歸於京師，後復

得釋而歸自京師。晉侯惟所置之。其能不聽其驅役而勉以自効乎。以上會師者皆國君。則其末繫以邾人。必邾子也。人邾子所以存貶例耳。晉侯自敗鄭師於鄆陵。鄭猶不服。於兩年間凡三伐鄭。此其再也。而肆然挾王臣脅諸侯以濟其惡。王臣及諸侯亦不獲已而皆為之用焉。則皆宜貶也。以邾人為例可矣。

六月乙酉同盟于柯陵

〔管見〕柯陵杜注鄭西地。陸氏淳曰不重言諸侯。譏尹牟與盟。蘇氏轍曰齊晉之威天子之大夫會而不盟尊周也。柯陵之尹子單子始與諸侯之盟。自是習以為常。非禮也。按晉侯州蒲即位及七年前盟於威。此盟於柯陵。兩書曰同盟。皆譏也。威之盟特以號稱同盟者。誘執曹伯負芻何謂同乎。柯陵之盟又特以號稱同盟者。強要王臣尹子單子豈可同乎。

秋公至自會

管見公以此年夏會晉師伐鄭六月同盟於柯陵而還。是晉侯未付志於鄭而其伐鄭之舉猶未已也。故於秋但書公至自會不書公至自伐鄭。

齊高無咎出奔莒

管見據左傳所載齊之聲孟子為齊侯環之母前頃公無野之夫人也而與大夫慶克通焉其踪跡詭秘鮑牽見其與婦人蒙衣乘輦而入於閭疑之以告國武子佐國佐召慶克而謂之慶克久不出而告夫人曰國子謫我夫人怒值此年夏公會尹子單子晉侯齊侯宋公衛侯曹伯鄭人伐鄭國子相靈公以會高無咎與鮑牽居守及齊侯自會還將至鮑牽欲實初告國佐之言遂與高無咎閉門而索客是歲謂其聞夫人聲孟子之門而索所通慶克之為客

讀春秋管見

卷八

成公十七年

七

九月辛丑用郊

者矣。卒乃索之而不得。故夫人反訴於公。斥高鮑。敢誣君母之有。遂行。即欲改立公子角。以為君也。齊侯信之。輒則鮑而逐高。無咎。無咎出奔莒。夫閉門索客之舉。豈所施於君母哉。鮑牽之。遭則固無足惜。至高無咎為卿。以貳國佐。亦復冒昧至此。出奔雖幸苟免。而其子高弱。以盧叛齊。侯放使慶克佐崔杼帥師圍盧。盧降。高弱不知所終。則亦出奔而已。春秋但書曰。齊高無咎出奔莒。彼自出奔以後。所不能保其嗣子。以有其食邑者。夫孰非其自取也耶。

管見魯郊以孟春。值此成十七年。乃至以九月辛丑用郊。則何也。蓋由去年秋。晉侯伐鄭。公會之。晉侯以九月執公。而舍之於荅邱。並執季孫行父。其不書執公者。以為諱耳。及冬十有二月。晉侯使於荅邱。釋公以歸。亦諱之。而書曰。公至自會。此其遭困辱者。累數月。將告至於廟。而猶覺其忝祖。又可以議及卜郊而對上帝乎。凡公至自會之月。即

於公。西刺公子。但禮記文王世子篇云。公族有罪。則刑之。甸人反命於公。公素服不舉。為之變。如其倫之喪。無服。親哭之。公之於公子。但兄弟也。以有罪刺之。而骨肉之親。無絕。則私喪之。如其倫之喪。立一朝一夕。已哉。計五服之服。輕者。惟緦麻三月。以一時。天氣變而除也。今私喪而無服。其制亦當約以三月為限矣。三月比於緦服。禮有緦不祭之文。則凡祭皆然而況大祭如郊者乎。故魯于此年春。蓋一時而不議郊。及夏。晉復徵師于魯。於是公會尹子。單子。晉侯。齊侯。宋公。衛侯。曹伯。邾人。伐鄭。此又何從得聞以議及於郊耶。歷夏而秋。然後公至自會。既告至。以郊為魯之盛禮。不宜曠歲不舉。旋議卜郊。乃於前朔十日。受命於祖廟。作龜於祠宮。得九月辛丑。從故用郊也。書用者。謂其不宜用耳。孔子曰。祭過時不舉。禮也。魯郊以孟春。是其時矣。而今乃至以九月辛丑用郊。據事直書。不加譏議。而其過時之非。禮自見。

晉侯使荀營來乞師

晉見公以此年夏會晉師伐鄭。秋公至自會。方以九月辛丑用郊。而晉侯復欲以冬伐鄭。將徵師於魯。亦處公以其殺之煩勞。雖或會師而未必其親將也。乃使荀營來乞師耳。荀營為荀首之子。亦晉卿。與前所使卻錡樂厲為伍。足為魯所重。公羊傳曰。乞師者何。卑辭也。成十三年春使卻錡來乞師以伐秦。十六年夏使樂厲來乞師以禦楚。鄭其皆稱乞之意。徒欲偪公以不能不應故。然凡人有所乞。雖復卑辭亦難料其必應。而況師乎。然以晉之大。晉侯之強。將謀大舉而期魯之會師。不使行人徵之而使貴卿乞之。魯猶重荀營之來乞其得不尤重晉侯之使來乞與此其乞而必應固有所操之若券者矣。

冬公會單子晉侯宋公衛侯曹伯齊人邾

人伐鄭

管見此年冬之復伐鄭。晉侯使荀營來乞師。則其於王臣及他國之諸侯。必皆使其卿與大夫以乞師者。概可知已。使來意勤。乞師辭順。於是王臣尹子雖托故謝之。而單子則猶勉以赴所期也。及公會單子晉侯。而宋公衛侯曹伯已畢至矣。惟齊侯歸自夏之會。伐鄭疑高鮑有廢立之舉。遂別鮑牽而逐高。無咎國未定。乃如去年秋之會。伐鄭者。特使國佐攝之。夫攝君以帥師。師行即如其君行矣。故不稱齊國佐。而曰齊人。人以人齊侯也。人齊侯者。以存賕例云。爾晉侯之伐鄭不已。可無賕乎。公會單子晉侯。宋公衛侯曹伯之從伐鄭亦不已。又可無賕乎。人齊侯而賕之。則王臣及他諸侯並從此例。而邾子之微亦即綴其末。以稱邾人。已焉。至經文但書伐鄭。則其無戰無圍無入無取之可言必矣。蓋鄭人以鄆陵之敗。績楚子因救鄭而集矢於其日。不敢背楚。故晉侯之會伐鄭者。至再至三。惟事堅守。

固拒。不與抗。亦不求。成於是伐鄭之師。晉侯激於忿。而不置。要未能以大得志而還也。至左傳於去年秋之伐鄭。則稱諸侯之師。次於鄭西。我師次於督揚。不敢過鄭。子叔聲伯使叔孫豹請逆于晉師。逆師至。諸侯遷於制田。晉知武子佐下軍。以諸侯之師侵陳。遂侵蔡。未反。諸侯遷于潁上。鄭子罕宵軍之。宋齊衛皆失軍。殆非其實也。是年秋。晉侯為沙隨之會。不見公。旋以其秋伐鄭。公往會之。徒欲晉侯之見之耳。非會以師也。其會師者。惟齊國佐及邾人。並無宋衛。而傳以宋衛增入於齊。指為諸侯之師。遂言晉之知武子為下軍之佐。輒以諸侯之師侵陳與蔡。幾若忘其為伐鄭。然晉侯何以許之。又言知武子以諸侯之師使陳蔡未反。而諸侯遷於潁上。鄭子罕宵攻之。至使宋齊衛之將主與軍相失。此復安所恃以伐鄭乎。師既反。而晉侯之與諸侯初不聞加罪於知武子。而急圖報怨於鄭子罕也。亦斷非情事之所有者。若夫此年夏之再伐鄭。傳曰。楚子重救鄭師於首止。諸侯還。又此年冬之三代鄭。傳曰。楚公子

申救鄭師於汝上十一月諸侯還計去年秋之伐鄭距先
子鄭師之敗績於鄆陵纔兩月耳毋論晉之數伐鄭鄭是
久不能數救鄭也就令有伐必救晉侯之戰鄆陵不逃是
乃今見子重于首止而逃之又見公子申於汝上而逃
之以令之怯懦視前之勇壯何至相懸萬里
若此哉其亦不識晉厲公之所以為厲矣

十有一月公至自伐鄭

管見前書秋公至自會其會亦伐鄭也及此冬十有一月
先固嘗以伐鄭會矣後遂乃獨書公至自伐鄭而不言會
者欲明晉厲公之逞憤于鄭為之會王臣及諸侯以數伐
之凡三大舉已為盡勢而鄭之於去年夏既經敗績而仍
不服晉者如故焉自是以後晉侯亦不能更有事
於伐鄭而以公會矣故特書公至自伐鄭以終焉

壬申公孫嬰齊卒于貍服

管見。按下書十有二月丁巳朔。距前壬申。凡四十六日。則壬申。非十一月。蘇氏輒以為失。似無以易。然是年之十一月。蓋有閏也。經文於明年春正月。書晉殺其大夫胥童。傳則於今年紀之。其辭稱閏月。乙卯晦。樂書中行偃殺胥童。據其稱閏月。不稱十有二月。是實以十二月為閏月矣。或者成十七年。本置閏於十一月。故自十一月之壬申。踰閏月。而及十二月之丁巳朔。凡經四十六日。而干支亦無誤也。然則以為傳誤可矣。惡得遽指經為誤哉。經服杜注。闕范言魯地當是也。公孫嬰齊從公會伐鄭而還。公先嬰齊後。故公已至自伐鄭。嬰齊則未至而卒於狸服耳。其所由以卒者。傳謂公孫嬰齊初夢涉洹。或與已瓊瑰。食之。泣而為瓊瑰。盈其懷。從而歌之曰。濟洹之水。贈我以瓊瑰。歸乎歸乎。瓊瑰盈吾懷乎。惟不敢占也。還自鄭。壬申。至於狸服。而占之。曰。余恐死。故不敢占。今衆繁而從余三年。無傷也。言之之暮而卒。事雖奇幻。蓋有之矣。至其書公孫嬰齊卒於狸服。春秋固因其生前已為大夫而卒之也。乃公穀皆

以十一月無壬申。遂謂公孫嬰齊。本卒於十月。其未卒時。公雖許以大夫而未命。迨公於十一月至自伐鄭始追命。公孫嬰齊為大夫。乃移其死日壬申于十一月。而書卒。其說過曲。則有不免於失實者。計成公二年。魯季孫行父。城孫許。叔孫僂如公。孫嬰齊帥師會晉師及齊侯戰于鞌。胡傳謂魯之四卿並將。卿則上大夫矣。後之六年。公孫嬰齊如晉。八年。公孫嬰齊如莒。莒非大夫。可以士往乎。至此十七年。公孫嬰齊從公會伐鄭。及還而道卒于經服。猶謂公之前嘗許為大夫者。及卒而始追命之。將何以傳信哉。

十有二月丁巳朔日有食之

邾子貜且卒

僖見邾子貜且在位四十年卒。此卒之前六年晉厲公州蒲初立。當成公之十一年也。及茲緯七年其間盟戚會吳。

無足云。惟彼成十三年，邾子一從晉侯伐秦。比成十六年，與十七年，邾子復三從晉侯伐鄭，亦幾疲于奔命矣。至是卒，春秋書之，雖無可稱道，不過借存邾之世次，使有可稽。然以今年之邾子履且卒，與明年之晉弑其君州蒲，作反對觀，其法戒亦昭然也。邾子履且在位四十年，而得考終命。晉侯州蒲在位終七年，而不獲保其首領，然則國君之吉凶禍福，豈以國勢之大小強弱為區分也哉。

晉殺其大夫卻錡卻犇卻至

晉見晉何以殺其大夫卻錡卻犇卻至。據經傳合參之說，為其有廢立之謀故爾。去年夏六月，晉侯以甲午晦戰于鄆陵。楚子鄭師敗績，此獨破兵家之忌，以立奇功。晉侯之驕侈已甚，又以鄭師敗績而鄭仍不服，更數伐之。去年秋公會尹子晉侯齊侯國佐邾人伐鄭不已也。今年夏公會尹子單子晉侯齊侯宋公衛侯曹伯邾人伐鄭，猶不已也。冬

公復會單子晉侯宋公衛侯曹伯齊人伐鄭鄭何嘗
辛服晉哉斯時也王臣倦矣諸侯亦將有叛志至晉之師
勞力竭衆起沸騰尚可問乎而晉侯方負強送饋終有不
知其暴虐之何恆者於左晉卿之郤錡郤犇郤至獨為族
大寵多乃謀廢晉侯州蒲而逆襄公之曾孫厲於京師立
以為君其謀泄晉侯之嬖大夫胥童黨於公欲殺卻氏之
三卿以求自為卿其事不用衆但以一嬖人長魚矯任之
成則號為國之公討不成則指為盜之竊發於晉侯無患
故晉侯從之一日者郤錡郤犇郤至將謀於榭榭為講武
堂殆欲以甲劫晉侯也忽而有抽戈結袵之長魚矯殺卻
錡卻犇于其位卻至走避及諸其車殺之皆尸於朝春秋
書曰晉殺其大夫卻錡卻犇郤至只統稱為晉一若不知
為誰之殺之者觀明年春正月書晉殺其大夫胥童庚申
晉弑其君州蒲此於卻錡卻犇郤至之所由殺不亦昭然
大白也哉

楚人滅舒庸

晉見古舒國。偃姓子爵。此舒庸及前之舒蓼。後之舒鳩。皆同宗。而異國。是謂羣舒。路史國名紀。舒庸在今舒城。杜注云。東夷國。繆。按此舒庸既屬於今舒城縣。其北正與今鳳陽府之壽州相直。則州來在焉。並介吳楚之間。成七年。吳入州來。昭十三年。吳滅州來。是吳之所欲。憑以窺楚者。宣八年。楚人滅舒蓼。此成十七年。楚人滅舒庸。又襄二十五年。楚屈建帥師滅舒鳩。是亦楚之所欲。憑以控吳者矣。凡皆狄焉。啟疆之私計。不可以不敗。至若左傳所云。舒庸人以楚師之敗於鄢陵也。道吳人圍巢。伐駕。圍釐。遂恃吳而不設備。楚公子索師襲舒庸。滅之。則舒庸之滅。為自取而楚之滅舒庸。未可非也。春。秋何復書楚人。以示貶哉。

十有八年

春王正月晉殺其大夫胥童

庚申晉弑其君州蒲

管見去年冬十有二月晉殺其大夫卻錡卻犂卻主胥童之謀也其時又以甲劫樂書中行偃於朔使長魚矯請曰不殺二子憂必及君公曰一朝而尸三卿余不忍並也對曰人將忍君遂出奔狄公使胥童為卿斯時之晉卿人人自危則晉侯州蒲為孤立獨一所使為卿之嬖大夫胥童焉耳及此年春正月晉樂書中行偃殺胥童雖但書晉著其非手殺之也觀庚申之弑其君州蒲乃樂書中行偃使程滑弑之經亦但書晉則可見矣程滑黨於樂書中行偃其為姦人也與長魚矯相埒可使之弑其君於殺其大夫何有哉殺大夫與弑其君事由程滑一人則行事必同一日但此年之春正月由去年冬十二月之丁巳朔推之須更六十日而後再逢丁巳又由丁巳更四日而後得逢庚

申是庚申在二月矣而經乃不書二月則何以故蓋殺其大夫胥童與弑其君州蒲皆在春正月惟胥童不踰時而卒晉侯州蒲猶延及十數日或數日乃卒故以書其卒庚申而已若以二月冠之不將沒其被弑于正月乎至樂書中行偃殺其大夫胥童遂弑其君州蒲實以樂書為主而春秋不若前之宣二年書趙盾弑其君夷皋者彼重發宣子之陰懷逆謀此重正厲公之動用非罰耳國有大刑不行諸司寇而任姦人尤而效之曷其有極耶如晉侯州蒲之聽用胥童輒以長魚矯殺其大夫卻錡卻犇卻至而其為卻氏復怨之樂書中行偃亦即使玃滑殺其大夫胥童遂弑其君州蒲吁可不戒哉

齊殺其大夫國佐

管見去年夏國佐相齊侯會晉伐鄭及還齊侯誌其母薨孟子之訴謂高鮑將不納君而改立公子角國子知之齊

侯則絕。棠高無咎出奔莒。高弱以盧叛。於時高氏何國佐齊侯。意未發也。及冬而晉侯復伐鄭。齊侯不出而以國佐會師。乃使崔杼為大夫。使慶克佐之。帥師圍盧。國佐從諸侯伐鄭。以難請而歸。遂如盧。師殺慶克。以救叛。齊侯與之盟於徐闕。而復之。為國佐非如鮑辛之可。則亦必不懼。而從高無咎之出奔也。因使復其位。以侯問徐國焉耳。十二月。盧降。及此年春。齊侯使士華免。以戈殺國子于內宮之朝。恐不勝。伏兵於夫人之宮。然則聲孟子之與齊侯其謀以內宮為國佐之死所者。尚可逃乎。彼其使執戈之士華免。必崔慶之黨也。在慶氏尤欲其事之成。而國佐之生理絕矣。春秋書曰。齊殺其大夫國佐。此於棄命專殺以數畔之罪。固無可解免者。而言外之意。則尤以圍高之族至是衰矣。而崔慶之專政。又權與於此。李氏兼嘗揭言之。豈不誠然乎哉。

公如晉

讀春秋管見

卷八

成公十八年

十四

管見晉弑其君州蒲逆悼公周於周而立之。猶未成君則公之如晉往吊之云爾。或疑弑君不吊當以朝嗣君為近是然晉之赴于魯以卒赴必無以弑赴者。惟諸侯之卒但使大夫吊之而已。公之親行與奔天子之喪無以別。故書之以譏其非禮焉。其前有書者如宣之十年四月齊侯元卒公如齊吊之。與此正同。

夏楚子鄭伯伐宋宋魚石復入于彭城

管見楚子鄭伯伐宋皆書爵者欲著其自將焉耳。是役也楚主兵必用宋亡臣魚石之謀者因是而伐宋取彭城即使魚石以三百乘戍之故魚石以成十五年出奔楚以今十八年而復入於彭城也。復入與出奔對看無他義其使之復入者非楚子之為魚石出奔而欲有以納之故不以納稱焉。余氏光曰楚與鄭伐宋取彭城置宋亡臣魚石而以三百乘戍之所塞吳晉交通之路也。此論得其要矣。彭城杜注宋邑今彭城縣項羽都此謂之西楚晉立徐

州唐宋元沿革不一明初復為徐州今直隸江南省

公至自晉

見公如晉書識也公自晉又書亦識也

侯使士匄來聘

管見晉侯使士匄來聘特以報公之親往弔耳許氏翰曰公方至自晉而聘使繼至晉悼之下諸侯肅矣此列國之所以睦而叛國之所以服也

秋杞伯來朝

管見左傳云秋杞桓公來朝勞公且問晉故公以晉君語之杞伯於是駿朝於晉而謂為晉按此傳於前後經文有

會關

八月邾子來朝

管見左傳云。八月邾宣公來朝。即位而來見也。季氏本曰。杞伯邾子相繼來朝。蓋晉悼公初立。尤厚於魯。故二君來修舊好。欲依附魯耳。按此傳說皆得經旨。不可一闕。

築鹿囿

管見此鹿囿之築。蓋創築也。其以鹿名者。無地可證。則直指為獸類之鹿。亦可。詩大雅韓奕篇。先稱虋鹿。噴噉而乃繼以有熊有羆。有貓有虎。則言有者。不多有也。然則田以鹿為主矣。魯僖有郎。囿桓一年。公狩於郎。莊三十一年。築臺于郎。臺以觀狩。豈無心乎。及茲成十八年。公狩于郎。囿之外。別為築囿。曰鹿囿。蓋欲多為收畜。以供獵事云。

或。有。時。縱。之。于。郎。而。遂。之。詎。不。為。行。狩。之。極。樂。哉。而。公。之。志。則。已。荒。矣。是。不。可。以。無。識。者。然。春。秋。方。於。八。月。書。薨。而。國。旋。於。八。月。書。已。丑。公。薨。於。路。寢。大。命。將。終。而。猶。欲。厭。從。獸。之。心。以。興。勞。役。何。其。蔽。也。則。無。待。別。有。譏。辭。而。諱。意。已。顯。

丑公薨于路寢

管見此書公薨於路寢。左傳曰。言道也。謂路寢得君薨之道。穀梁曰。路寢正也。以薨終也。齊終二字。注無確解。要之與經旨皆似未合。蓋是年八月己丑。公薨於路寢。與上築鹿囿。朕書。欲譏公之志在鹿囿而忽薨於路寢。雖築者不廢。終期於成。公亦不能至於鹿囿云爾。前文公十八年。先命毀泉臺而新築之。既成而公疾。臺在郎囿。以疾稍間而往。初至。疾頓亟。不得登於臺上。則為薨於臺下而已。取以相較。文公改築泉臺而成。雖終薨於臺下。而猶得見臺成。

公創築鹿囿而未成。乃遽薨於路寢。而並未嘗見囿。其可議殆有甚焉者。

冬楚人鄭人侵宋

管見此年夏楚子鄭伯伐宋。宋魚石復入于彭城。宋豈能聽彭城之失而不圖所以取之哉。彭城在宋都之東。宋都在彭城之西。此年冬楚子以鄭伯侵宋。其所侵者但舉宋之國名。而不及其屬邑。則特侵宋都可知矣。其意欲使宋師之取彭城者聞宋都有警。即當速舍彭城而以其師還耳。故號為侵宋。指其都實則借以救彭城。毋使所置之魚石不卒戍也。前書楚子鄭伯伐宋。此書楚人鄭人侵宋。須互看乃得之。於伐宋明為楚子鄭伯特著其自將也。詎不當貶而得免。稱楚人鄭人乎。於侵宋斥為楚人鄭人。仍屬其自將也。詎別有貶而非所稱。楚子鄭伯乎。至於侵宋之冬。傳稱宋華元如晉告急。韓獻子為政曰。欲求得人必先勤之。成霸安穩。自宋始矣。晉侯師於台谷以救宋。遇楚師。

於晉角之谷。楚師還，然求之經文，不書晉侯救鄭，未審所據。且下書晉侯使士魴來乞師，注謂將救宋故，未能即救宋也。十有二月，書仲孫蔑會晉侯、宋公、衛侯、邾子、齊崔杼同盟於虛打，傳亦只曰謀救宋，仍未審遂救宋也。及明年春二月，乃書仲孫蔑會晉欒黶、宋華元、衛甯殖、曹人、莒人、邾人、滕人、薛人、圍宋彭城。此則誠有以救宋矣，何得謂此年冬之楚人鄭人侵宋，晉侯初立，不乞師，不會諸侯同盟而遽自以其師救宋也哉。

晉侯使士魴來乞師

管見晉侯使士魴來乞師，注以為救宋是矣，但欲救而待乞師，其勢緩。於此年秋之書楚人鄭人侵宋，固不及救也。所救者，救其夏之書楚子鄭伯伐宋，宋魚石復入于彭城耳。觀明年春止月，書仲孫蔑會晉欒黶、宋華元、衛甯殖、曹人、莒人、邾人、滕人、薛人、圍宋彭城，是乃其救宋之實焉。將圍彭城以救宋，而先於此年冬使士魴來乞師，亦固前晉

侯州蒲之故事也。成十三年春，晉侯使卻錡來乞師。十六年夏，晉侯使欒黶來乞師。十七年秋，晉侯使荀躒來乞師。使來意勤，乞師辭順。此豈得並指為厲公州蒲之所由謚厲哉？悼公周踵而行之，可矣。使來乞師於魯，然則於後之同盟、虛打以至會師、圍彭城之諸國，其一皆如魯者，尚不待言也。

十有二月仲孫蒧會晉侯宋公衛侯邾子齊崔杼同盟于虛打

〔管見〕此年春正月，晉弑其君州蒲，逆悼公周而立之。即位幾一年而未及改元，特以夏之楚子鄭伯伐宋，宋魚石復入于彭城，彼楚與鄭相濟為惡，尚待徐圖。若宋魚石之假威叛據，無復臣理，當即謀討之。亦既於是冬使其卿大夫皆乞師，不獨魯矣。而晉侯猶以初經剛立，未得與諸侯相周旋，加之約誓惡能真其形，然而情洽哉。因是於十有二

月微之以同盟於虛打。其載書詔之明神。大要。以修好。除
惡。獎順。錫逆。為主。乃即以中明年春正月之會。師圍宋彭
城也。虛打。杜注。開。或言即宋之虛。當據此求之。計桓公十
二年公會宋公于虛。杜注。宋地。疑在今睢州境。睢州屬河
南歸德府。為宋之虛邑。本一字名。有說其境分之。而仍係
於虛者。則別名以二字曰虛打。如今江南廬州之舒城。為
古舒國。而舒。蓼。舒。庸。舒。鳩。皆不出。今舒城縣境亦足證已
且此年冬十二月之同盟。晉侯主之。將謀會諸侯之師。圍
宋彭城。以救宋。則其同盟于宋地之虛打。固宜。至同盟而
公不與。說者指為在喪。未盡其實。按襄公九年傳曰。會於
沙隨之歲。寡君以生。晉侯曰。十二年矣。則知即位之元年
公終四歲未改元。只三歲耳。季孫行父當居其國攝政。因
使仲孫蔑出會諸侯。以攝盟焉。仲孫蔑會晉侯宋公衛侯
及邾子。齊侯環不至。至者為齊崔杼。曹伯負芻未得從。宋
公衛侯之後。其卿亦未聞與齊崔杼相從。並後於邾子。在
齊侯曹伯。殆以晉之弑其君而改立君。皆樂書中行曰。

徒所為。疑悼公周有難乎為君者。故皆托故不行。使其卿以謝。惟齊卿猶重得攝盟。曹卿非崔杼之比。雖在盟所。而不使攝之。故無名也。

丁未葬我君成公

管見左傳曰。丁未。葬我君成公。書順也。杜氏預曰。薨於路寢。五月而葬。國家安靖。世道承嗣。故曰書順。按襄公午為定。妣所生。非夫人姜氏之子。徒以附會傳辭。書順二字。遂指襄公之立。為世道承嗣。殆未之審也。